

NY TOERAM-PIVAVAHANA

NOFIDIAN'ANDRIAMANITRA

 Ndao isika hijanona hitsangana mandrity ny fotoana fohy raha manondrika ny lohantsika ho an'ny vavaka. Ary ankehitriny, miaraka amin'ny lohantsika miondrika, ary matoký aho fa ny fontsika dia miondrika, ihany koa, manontany aho hoe firy ato izao hariva izao no te-hotsaroana am-bavaka, ho an'ny zavatra iray manokana? Hanangana ny tanganareo fotsiny ve ianareo, hanao hoe, "Andriamanitra, omeo ahy izao hariva izao izay tadiaviko." Ny Tompo hitahy anareo.

² Rainay An-danitra, raha manatona am-panetre-tena an'ity Seza fiandrianana lehiben'ny fahasoavana ity izahay ankehitriny, amin'ny finoana, dia mandroso mankany amin'ireo any Ankoatra izahay; izay misy an'Andriamanitra, sy ireo Anjely, sy ireo Kerobima, ary ireo miaramilan-Danitra rehetra mivory miaraka. Satria nilaza Izay fa tsy mety hisy tsintsina iray hilatsaka amin'ny tany akory aza raha tsy fantatry ny Ray An-danitra izany. Tsy mihoatra noho izany ve no Ahafantarany eto rehefa manondrika ny lohany ireo olona an-jatony, ka miantsos Anao ho an'ny fangatahana manokana. Ray, miondreha eo amin'izao tontolo izao izay manana ilaina izao hariva izao, satria vahoaka iray manana ilaina izahay.

³ Ary mivavaka aho, Andriamanitra, fa satria mivory eto izahay ka maneho Aminao ny finoanay an'Andriamanitra velona iray Izay mamaly vavaka; nivoaka avy ao anivon'izao tontolo izao an'ireo tsy mifora izahay, an'ireo fo sy sofina, nivoaka mba hiaina fiaianana voasaraka iray, ary hiaina amin'ny fiaikena ny finoanay Anao. Manangana ny tanganay izahay izao hariva izao, ka manao hoe, "Manana ilaina izahay." Andriamanitra malala, valio ny tsirairay avy amin'ny fangatahan'izy ireo.

⁴ Ary koa, Ray, mivavaka izahay mba Hamangianao anay izao hariva izao ao amin'ny Teny. Tonga eto izahay ho an'ny fanitsiana, ho an'ny fahazoana, mba ahafahanay hahafantatra fotsiny hoe ahoana no iainana amin'ity andro ankehitriny ity; inona no antenaina, inona no atao. Fa, fantatray fa manakaiky ny Fihavian'ny Tompo, arak'ireo famantarana rehetra izay nolazain'ireo mpaminany mialoha. Manakaiky an'ilay fotoana izahay, Tompo, rehefa homena ho an'ny Zanakao ny fanafahana feno. Andriamanitra, avelao izahay, ny tsirairay avy, ho tonga any, Ray. Enga anie tsy hisy anankiray ho banga. Izany no tanjona maha-eto anay, Tompo. Tia Anao izahay, ary miezaka izahay ny hiomana ho an'izany ora izany.

⁵ Mitenena aminay, mangataka indray izahay, izao hariva izao. Ary sitrano ny marary. Ny marary rehetra sy ny ory izay ato amin'ny tranobe, mivavaka izahay mba Hanasitrananao azy ireo, Tompo; ary indrindra ireo miaraka amin'ny ilaina arapanahy. Mivavaka izahay mba Hamonjenao ny fanahy very rehetra. Fenoy ny Fanahy Masina ny mpino rehetra. Ary avaozy ny tanjaka sy Hery ao amin'ireo Zanakao izay mino. Ekeo ireo zavatra ireo, Ray. Mangataka betsaka izahay, satria Ianao no niteny taminay mba hangataka, “mangataha be dia be, mangataha an'ireo zavatra lehibe, maro amin'izy ireny,” mba hahatanteraka ny fifalianay. Ary mangataka azy ireo amin'ny Anaran'i Jesosy Kristy izahay. Amena.

Afaka mipetraka ianareo.

⁶ Mihevitra an'izao tokoa ho tombontsoa iray lehibe aho izao hariva izao, ny tafaverina eto amin'ny lampihazo indray, ato amin'ity sekoly ambony ity, hanatrika an'ireto olona mahafinaritra ireto izay mivory mba handre ny Filazantsara. Mangataka ny famindrampon'Andriamanitra aho mba hanampy ahy hiteny aminareo ny Fahamarinana arak'izay fantatro ho ny Fahamarinana. Mbola afaka manakombona ny vavan'ny olona iray foana Izzy, tahaka ny Nahafahany nanakombona ny vavan'ny liona. Ary raha sanatria aho hiezaka ny hilaza zavatra izay diso sy mifanohitra amin'ny Sitrapony, ny fivavako tsotra dia enga anie Izzy hanakombona ny vavako, mba tsy hilazako an'izany. Satria, marina tokoa, te-ho any An-danitra aho, ny tenako; ary tsy ho tonga any mihitsy aho, ary, ankoatr'izany rehetra izany, dia ho mpitarika sandoka aho, olona iray izay nanao zavatra am-pisandohana. Raha manao an'izany aho, izany dia satria tsy mahafantatra fahasamihafana aho. Ny Tompo hitahy anareo.

⁷ Ankehitriny, rahampitso maraina, raha izay no sitrapon'Andriamanitra, dia maniry aho ny hiresaka eo amin'ity lohahevitra ity, *Fanambadiana Sy Fisaraham-panambadiana*. Ary matoky izahay fa ho avy ianareo, ka mitondrà pensily sy taratasy. Tsy haka ela loatra isika, fa ho tiako fotsiny ny... Izany no tanjoko amin'ny fiverenana eto, voalohany, eto Indiana, fa nampanantena an'izany taminareo aho. Ary hiezaka aho, rahampitso maraina. Raha tsy ataoko rahampitso maraina izany, dia hataoko rahampitso hariva. Fa hiezaka aho rahampitso maraina, raha sitraky ny Tompo, ny hiresaka eo amin'ilay lohahevitra, ireo sekolim-pisainana roa. Ary enga anie Andriamanitra hanampy antsika hahafantatra an'izay Fahamarinana, hahafantatra fotsiny an'izay Fahamarinana, mba ahafahantsika mandeha ao amin'ny Fahamarinana sy ao amin'ny Hazavana. Isika...

⁸ Fantatrareo, nanana sakaiza antitra mainty hoditra iray aho taloha. Nilaza tamiko izy, hoy izy hoe, “Rahalahy Billy,” hoy izy, “izaho—izaho dia tsy mila olana eo amin'ilay renirano.” Hoy izy hoe, “Te-hanana ny tapakilako eto an-tànako aho. Ary

rehefa mitsoka ny kiririoka, dia tsy te-hanana olana aho eo. Efa nangataka tamin'ny Tompo aho, efa ela izay, raha misy zavatra ratsy, dia avelao aho handamina an'izany izao ankehitriny izao," hoy izy, "satria hisy aizina sy oram-baratra amin'io maraina io rehefa hiainga ho ery amin'ny ilany hafa ilay sambo." Hoy izy, "Tsy mila fanembatsebanana aho. Te-hikarakara an'izany rehetra izany aho ankehitriny." Izany no maha-eto antsika, miezaka ny hikarakara an'ireo fanembatsebanana rehetra, mba ahafahantsika miandrana amin'izany ora izany.

⁹ Ankehitriny, tsy hiresaka aminareo ela loatra aho izao hariva izao, satria hanana fivoriana roa isika rahampitso. Ary avy eo aho hanainga, any an-kafa any ho any, ho any amin'ny hafa, ireo fivoriana amboniny.

¹⁰ Fa, ankehitriny, ao amin'ny Bokin'ny Deoteronomia. Maniry aho ny hamaky avy amin'ny toko faha-16, ny andininy telo voalohany, an'ny Deoteronomia 16:1 hatramin'ny 3.

*Tandremo ny volana Abiba, ka ataovy ny paska . . . ny
TOMPO Andriamanitao: . . . tamin'ny (fahefatra) volana
Abiba no nitondran'ny TOMPO Andriamanitao anao
nivoaka avy tany—avy tany Egypta tamin'ny alina.*

*Ianao dia hamono ny paska amin'izany ho an'ny
TOMPO Andriamanitao, avy amin'ny ondry aman-osy
sy avy amin'ny omby, eo amin'ny toerana izay efa
nofidian'ny TOMPO hametrahana ny anarany.*

¹¹ Ankehitriny, ny lohahevitra izao hariva izao dia: *Ny Toeram-Pivavahana Nofidian'Andriamanitra*.

Raha mahamarika ianareo, ny volana A-b-a-d . . . -b eto, dia midika hoe, "Aprily." Ny volana Aprily no nitondrana azy ireo nivoaka.

Fa ankehitriny ny zavatra mahagaga dia hoe isika izao hariva izao, amin'ny maha-mpivavaka amin'Andriamanitra, amin'izao andro izay iainantsika izao, ary mahita hevit'olona maro be samihafa isika. Ka raha mbola misy foana ny hevitra samihafa mikasika zavatra, misy ireo fanontaniana samihafa; dia tsy maintsy misy valiny iray marina ho an'ny fanontaniana rehetra izay napetraka.

Raha hametraka fanontaniana aho hoe, "Inona ity"
"Eny," hilaza izy ireo hoe, "birao iray."
"Hanaovana inona izany?" Hitanareo?

¹² Ankehitriny, eo, misy olona iray mety hanao hoe, "Tsy birao iray io. Hazo fisaka iray io." Eny, hazo fisaka iray io, kanefa birao iray io. Hitanareo, tsy maintsy misy valiny marina iray ho an'izany.

Ary raha hametraka fanontaniana mikasika zavatra iray aho, dia tsy maintsy misy valiny marina iray. Mety misy zavatra

iray mifanakaiky amin'izany; saingy tsy maintsy misy valiny marina iray, mivantana ho an'ny fanontaniana rehetra. Koa, noho izany, ny fanontaniana rehetra izay tonga ao amin'ny fiainantsika, dia tsy maintsy misy valiny marina, mahitsy iray.

¹³ Ary ankehitriny, amin'izao andro izao, isika dia mandre-mandre hoe izao no voalaza, maro amin'ny olontsika ao amin'izao tontolo izao amin'izao andro izao . . .

Amin'ny maha-misionera iray, efa nanao dia maro tany am-pitan-dranomasina sy nanodidina an'izao tontolo izao aho, efa nifandray tamin'ny fivavahana maro samihafa, toy ny Bouddha, sy Mohametana, sy Sikhs, sy Jains, ary inona koa, avy amin'ireo fivavahana eto amin'izao tontolo izao. Ary avy eo eto amin'ny Etazoniantsika manokana; sy ireo firenena vahiny hafa, nihaona tamin'ireo fiangonantsika samihafa rehetra, toy ireo fiangonantsika ara-anaram-piangonana, nanomboka tamin'ny Katolika Romana voalohany, ary avy eo ny Grika, sy ny sisa, ary ireo—ireo fombam-pivavahana samihafa, ary avy eo hatrany amin'ireo . . . ireo taonan'ny ara-anaram-piangonana rehetra, an'ireo anaram-piangonana Protestanta samihafa sivinjato mahery.

Ankehitriny, ny tsirairay avy amin'izy ireo, mazava ho azy, azonareo jerena ny hevitr'izy ireo, ary tsy afaka manome tsiny azy ireo aho. Mihambo ny tsirairay avy fa izy ireo no fahamarinana, izy ireo no manana ny fahamarinana. Ary tsy maintsy mino an'izany ny olona izay mikambana amin'ireo fiangonana ireo, satria izy ireo dia nanatsatoka ny—ny fitodiany, ny fitodiany Mandrakizay, teo ambonin'ny fampianaran'izany fiangonana izany. Ary tena samihafa betsaka tokoa izy ireo, ny iray amin'ilay hafa, hany ka manao fanontaniana samihafa sivinjato mahery izany.

Noho izany, satria sivinjato mahery ireo fanontaniana samihafa, dia tsy maintsy misy Valiny marina anankiray. Ary ho tiako isika izao hariva izao, satria miezaka ny ho any An-danitra, ka hihaona amin'ny Jesosy Tompontsika Izay tstantsika rehetra, dia tiako ny hitady ao amin'ny Soratra mba hahita an'izany.

¹⁴ Ankehitriny, raha fanontaniana ara-Baiboly iray ilay izy, amin'izay fotoana izay dia tsy maintsy manana valiny ara-Baiboly iray izany. Tsy tokony hety ho tonga avy amin'ny vondron'olona iray izany, avy amin'ny fiombonana iray, na avy amin'ny mpanabé iray, na avy amin'ny anaram-piangonana iray. Tsy maintsy avy amin'ny Soratra avy hatrany izany, izay misy ny toeram-pihaonan'Andriamanitra, an'ny fivavahana. Ary azo antoka, amin'ny maha-Andriamanitra, dia misy toeram-pihaonana iray any ho any, izay Ihaonany.

¹⁵ Ankehitriny, hitantsika eto izany ao amin'ny Deoteronomia eto, tany amin'ny voalohany, mamerina ny Soratra indray i Mosesy, ireo zavatra izay noteneniny tamin'izy ireo; hoe ahoana

no Nitondrany azy ireo nivoaka niaraka tamin'ny sandry lehibe, mahery, avy tao Egypta, sy nandaminany azy ireo voalohany.

Nantsoina izy ireo hoe “ny vahoakan'Andriamanitra” mandra-pivoakany tao Egypta, ary avy eo nantsoina izy ireo hoe “ny fiangonan'Andriamanitra.” Satria, ny fiangonana dia fivoriana, na, raha ny marina, ny *fiangonana* dia midika hoe “ireo nantsoina hivoaka,” ireo izay efa nantsoina hivoaka. Ary nivoaka avy tao Egypta izy ireo, mba ho ny fiangonana.

¹⁶ Ankehitriny niteny tamin'izy ireo Andriamanitra, rehefa izy ireo . . . talohan'ny nandaminany ny tempoly sy izay nataon'izy ireo hoe, “Hifidy ny toeran'ny Fivavahako Aho, ary hametraka Ny Anarako ao anatin'izany Aho.” Ary izany no toerana tokana izay hany hihaonan'Andriamanitra amin’ny olona rehetra, dia amin’ny alàlan’ny Fifidianany Manokana. Nifidy ny Toerany Izy. Ary eo amin’izay Nifidianany ny Toerany, no Nametrahany Ny Anarany. Miteny amintsika ny andininhy faha-2 eto fa, “Izy no hametraka Ny Anarany ao amin’ny toerana izay efa Nofidiany hivavahan’ny olona Aminy.” Ankehitriny, ilay zavatra amin’izany dia, tantsika ny hahita hoe aiza io toerana io.

¹⁷ Miaraka amin’ireo hevitra sivinjato mahery, satria ilaozantsika ireo fivavahan’ny mpanompo sampy rehetra, ka hiresaka fotsiny ny amin’ny fivavahana Kristiana. Fa, manana fihetseham-po ho an’ireo mpanompo sampy aho, raha tsy izany dia tsy ho nandeha tany tokoa aho ka niresaka tamin’izy ireo. Saingy, diso izy ireo. Ny Kristianisma no fivavahana tokana izay marina, ny Kristianisma izany. Ary milaza an’izany aho tsy hoe tena satria Kristiana iray aho; satria, mino an’izany ho ny Fahamarinana aho. Izany no fivavahana tokana izay marina.

¹⁸ Efa tany amin’ny fasana izay misy an’ilay soavalys fotsy ovaina isaky ny adiny efatra aho. Izay misy, an’i Mohammad, mpisorona malaza iray sy—sy mpitarika taorian’i Kristy mihitsy, izay natao ho mpaminany iray, ary, tsy misalasala aho fa izany izy, taorian’ireo rahalahy Maccabee mihitsy. Fa rehefa izy ireo . . . Maty izy. Nilaza izy fa hitsangana indray ary handresy an’izao tontolo rehetra izao. Ankehitriny, saiky isaky ny adiny efatra dia ovain’izy ireo ny mpiambina, ary miandry soavalys fotsy iray eo amin’ny fasany izy ireo. Izy ireo dia, nandrity ny roa arivo taona izao, miandry azy hitsangana indray ka handresy an’izao tontolo izao. Saingy hitanareo . . .

¹⁹ Fa mandehana ianareo mankany amin’i Bouddha; niaina an-jato taonany maro i Bouddha, teo amin’ny telonjato sy roa arivo taona lasa izay, ilay andriamanitr’i—i Japon. Ary noho izany dia filozofy iray izy, zavatra iray tahaka an’i Confucius, sy ny sisa.

Fa izy rehetra ireo, ho an’ny . . . mpanorina, sy ny sisa, maty niaraka tamin’ny filozofiany izy rehetra, ary nalevina ka ao am-pasana.

Fa ny Kristianisma, izay nalamin'i Jesosy Kristy, dia misy fasana foana iray any. Izy no Olona tokana izay hany nitsangana teto an-tany, ka velona ary nanao hoe, "Manana hery hanome ny Aiko Aho ary hanangana azy indray." Dia Nataony izany. Ary velona Izy androany.

Ary fantatsika fa velona Izy, satria momba antsika Izy ary manaporofo ny Tenany tamin'ny alàlan'ireo famantarana sy fahagagana mivaingana, izay Nampanantenainy fa Hataony mba hanehoana an'izany. Arak'izany, tahaka ny Andry Afо izay nitarika ny zanak'Isiraely tany an-efitra, dia miaraka amintsika izany amin'izao andro izao, manana ny Sarinny nalaina mihitsy aza; manao an'ireo famantarana sy fahagagana izay Nampanantenainy fa hataon'Izany amin'izao andro izao, mahita an'ireo Teny rehetra izay Nampanantenainy tonga voaseho amin'izao andro izao. Noho izany, any ivelany ny sisa amin'izao tontolo izao mpanompo sampy. Ny Kristianisma izany!

²⁰ Ankehitriny, satria misy fanontaniana sivinjato mahery mikasika ny hoe aiza no ihaonan'Andriamanitra, "Mihaona amin'ny Metodista Izy, sa mihaona ao amin'ny Batista Izy, ary mihaona amin'ity Izy, sy itsy, ary ny hafa." Ankehitriny, misy fanontaniana iray eo, noho izany tsy maintsy mitady ny famonjeny manokana amin'ny tahotra sy hovitra ny tsirairay.

Fa te-hanandrana ny hahita aho izao hariva izao, ary hanaporofo ao amin'ny Soratra, hoe aiza ny toerana marina izay ihaonan'Andriamanitra sy hivavahana miaraka amin'ny olona. Ary, raha izany no izy, dia izany no toerana tokana izay hany Hihaonany.

²¹ Ankehitriny, nandray an'ity lahateny avy ao amin'ny Deoteronomia ity isika. Teny Grika iray izany izay manana dikany mifangaro, na, midika izany hoe, "lalàna roa." Ny teny Grika hoe, *Deuteronomia*, dia midika hoe "lalàna roa samihafa."

Fa izany mihitsy no ananan'Andriamanitra, lalàna roa samihafa. Ary lalàn'ny fahafatesana ny iray amin'izy ireo, ary lalàn'ny Fiainana ny anankiray hafa. Manana lalàna roa Andriamanitra. Ny manaraka Azy, sy manompo Azy ary mivavaka Aminy, dia Fiainana; ny mandà an'Izany dia fahafatesana. Misy lalàna roa ao amin'Andriamanitra.

²² Ankehitriny, ny iray amin'ireo lalàna ireo dia fanta-... nampahafantarina an'izao tontolo izao, teo amin'ny Tendrombohitra Sinay. Nanome ny lalàna ho an'i Mosesy sy Isiraely Andriamanitra. Tsy hoe mba ahafahan'ny lalàna manampy azy ireo, fa nanondro fotsiny tamin'izy ireo ny lalàna hoe mpanota izy ireo. Mandra-pahatongan'io fotoana io, dia tsy fantatr'izy ireo hoe inona ny ota, mandra-pahazoany lalàna iray. Tsy mety hisy lalàna anankiray raha tsy misy sazy iray. Tsy lalàna ny lalàna anankiray, raha tsy misy sazy. Koa, noho izany, "Ny fandikana ny lalàna no ota, ary fahafatesana no tambin'ny

ota.” Koa noho izany, mandra-panaon’Andriamanitra lalàna iray, dia tsy nisy fandikana nisaina ho azy ireo.

Raha tsy misy lalàna eto izay milaza aminareo hoe tsy mahazo mandeha mihoatra ny roapolo maily isan’ora ianareo, amin’izay fotoana izay afaka mandeha mihoatra ny roapolo maily isan’ora ianareo. Fa rehefa misy lalàna anankiray izay miteny aminareo hoe tsy azonareo atao izany, amin’izay fotoana izay dia misy lalàna sy sazy iray ao ambadik’izany.

²³ Ankehitriny, ny fahafatesana, ny lalàn’ny fahafatesana, dia ireo didy nomena teo amin’ny Tendrombohitra Sinay, izay niteny tamin’ny olona fa mpanota iray izy. Ary, ny mandika ny lalàn’Andriamanitra, dia maty izy. Fa tsy misy famonjena ao amin’ny lalàna. Ny . . . Polisy iray fotsiny izay afaka hametraka anareo ao an-tranomaizina izany; tsy nanana na inona na inona hitondra anareo hivoaka.

Fa nanome lalàna hafa iray Izy avy eo, izany dia teo amin’ny Tendrombohitra Kalvary, izay nisy ny ota nisaina tao amin’i Jesosy Kristy, ka teo no voaloa ilay sazy. Ary tsy niaraka . . . Tsy misy lalàna, “fa nohon’ny fahasoavana no namonjena anareo,” nohon’ny fahasoavan’Andriamanitra, tamin’ny alàlan’ny fifidianana mialoha an’ny fahalalan’Andriamanitra mialoha ny aminareo.

²⁴ Hitantsika ireo lalàna roa ireo ankehitriny, Deoteronomia, miresaka ny amin’ny lalàna roa. Nisy lalàna roa. Lalàn’ny fahafatesana ny iray, ary lalàn’ny Fiainana ny anankiray hafa.

²⁵ Nisy fanekena roa ihany koa nomena ny olona. Hiresaka ny amin’izy ireo isika amin’ny maraina.

Nomena an’i Adama teo ambonin’ny fepetra ny iray tamin’izy ireo hoe, “raha manao an’ity ianao ary tsy manao an’itsy,” fa nosimbaina io lalàna io. Adama, Eva no nanimba an’izany, tao amin’ny sahan’i Edena.

Nanao an’ilay fanekena faharoa Andriamanitra avy eo, ka nanome an’izany an’i Abrahama, ary tsy nisy fepetra io lalàna io. “Izany dia tsy izay nataonao na izay hataonao;” hoy Izy hoe, “Efa Vitako izany.” Izany no fahasoavana. Izany no lalàn’ny Fiainana. Nanao an’izany ho an’i Abrahama sy ny Tarananay nandimby azy Andriamanitra, izany hoe, ny Taranañk’i Abrahama rehetra.

Tahaka ny nolazain’ny Baiboly hoe, “Hovonjena ny Isiraely rehetra,” saingy tsy midiaka izany hoe ireo Jiosy. Tahaka ny nolazain’i Paoly hoe, “Izay Isiraely ao anatiny, sa Isiraely ety ivelany.” “Ety ivelany,” araka ny noresahantsika indray hariva, ireo zanak’Isaka izany, tamin’ny alàlan’ny fananahana. Fa ny lalàn’Andriamanitra dia amin’ny alàlan’i Kristy, izay ny Taranañk’i Abrahama, hoe, “nohon’ny fahasoavana no namonjena ny Isiraely rehetra.” Izany hoe, “Izay rehetra ao amin’i Kristy no voavonjy,” ny rehetra, fanekena’Andriamanitra

faharoa. Fa manome aloka mialoha an'i Kristy ireo zavatra rehetra ireo.

²⁶ Ankehitriny mariho ny andininy faha-2. Ny andininy faha-2 eto amin'ny Deoteronomia 16, "Mivavaha ao amin'ny toerana izay efa Nofidiako." Ankehitriny tsy maintsy mivavaka amin'Andriamanitra ianareo, hoy Izy hoe, "Ao amin'ny toerana izay efa Nofidiako," tsy izay nofidian'olon-kafa, fa, "izay efa Nofidiako."

Ankehitriny, raha nifidy toerana iray Andriamanitra, dia mety amintsika noho izany ny mahita izay Nolazainy mikasika an'ilay izy. Ary aiza izany? Te-hahita an'izany aho, satria, marina tokoa, te-hivavaka Aminy aho.

Eto isika rehetra, izao hariva izao, mba hivavaka Aminy. Mipetraka eto isika izao hariva izao, toy ny Metodista, Batista, Katolika, Vavolombelon'i Jehovah, Siansa Kristiana, sy ny rehetra, saingy mitady zavatra iray isika rehetra.

Te-hahafantatra ny Fahamarinana isika. Hoy ny Baiboly hoe, "Ho fantatrareo ny Fahamarinana, ary ny Fahamarinana no hanafaka anareo."

Ny olona iray, tsy afaka mahafantatra izay ataonareo ianareo, tsy fantatrareo hoe ahoana no hanaovana an'ilay izy mandra-pahafantatrareo hoe ahoana no hanaovana azy; tsy fantatrareo izay hatao mandra-pahafantatrareo hoe ahoana no hanaovana azy, raha ny marina. Tsy maintsy fantatrareo izay ataonareo sy hoe ahoana no hanaovana azy.

²⁷ Izany no maneho amintsika fa manana toeram-pihaonana iray Andriamanitra ho an'ireo mpivavaka Aminy, ao amin'ny toerana manokana iray. Ao amin'io toerana io, irery ihany, no ihaonan'Andriamanitra amin'ireo mpivavaka Aminy.

²⁸ Ankehitriny, izao koa, ilay toerana izay efa Nofidiany ho an'ireo mpivavaka Aminy, no Nolazainy fa Hametrahany Ny Anarany. Ankehitriny ndao isika hitady sy hahita, amin'ny alàlan'ny Soratra, hoe aiza io toerana io. Azo antoka, raha nilaza Andriamanitra fa Izy dia hametraka Ny Anarany ao amin'io toerana izay efa Nofidiany io hihaonana amin'ny olona sy hivavahana miaraka amin'izy ireo...na hivavahan'izy ireo Aminy, raha ny marina, dia any ho any ao amin'ny Baiboly izany, satria ho an'ny taona rehetra.

²⁹ Ary tsy mety miova ilay Andriamanitra lehibe tsy miova. Ny olona no miova. Fa afaka mametraka ny fiainanareo eo ambonin'ny zavatra rehetra izay hany nolazain'Andriamanitra amin'ny fotoana rehetra ianareo, satria izany no Fahamarinana. Izany no Fahamarinana. Satria, izany no zavatra tokana izay azoko hananana fahatokiana, dia ny Baiboly. Satria, ho diso ny tenin'olona, fa faratampony kosa Andriamanitra.

Tokony hahafantatra bebe kokoa noho izay fantattro tamin'ny taona lasa aho amin'ity taona ity. Ianareo dia tokony, ihany koa, isan'andro. Manam-petra isika, noho izany mila fahalalana.

Fa Andriamanitra dia tsy manam-petra. Tsy manam-petra Izy. Ary, amin'ny maha-tsyz manam-petra, dia tsy afaka hila fahalalana Izy. Tanteraka Izy, eo am-panombohana. Tsy maintsy marina tokoa ny fanapahan-kevitra rehetra.

³⁰ Ary ny fomba niasan'Andriamanitra indray mandeha, dia tsy maintsy tahaka an'izany no Iasany mandrakizay, raha tsy izany dia niasa diso Izy tamin'ny Niasany tamin'ny voalohany. Raha toa ka nanatona an'Andriamanitra ny olona iray ho an'ny famonjena, eo ambonin'ny fototra izay Nanekeny azy, dia tsy maintsy eo amin'izany fototra iray izany ihany foana no hanekena an'ilay izy. Marina izany. Raha toa ka nanatona an'Andriamanitra ny olona iray ho an'ny fanasitranana avy amin'Andriamanitra, ka nanaiky azy teo ambonin'ny fototra manokana iray Andriamanitra; tonga ilay olona manaraka, dia tsy maintsy manaiky azy tahaka an'izany koa Izy, raha tsy izany dia diso Izy tamin'ny Nanekeny an'ilay olona voalohany. Nanao fototra iray izay Hihaonany amin'ny olona anankiray Andriamanitra. Nanao fototra iray ho an'izay Hataony Izy, ahoana no Hanaovany azy, ary tamin'ny alàlan'ny fanatitra ra an'ny zanak'ondry tao amin'ny sahan'i Edena izany. Andriamanitra dia tsy mihitsy, tsy nisy fotoana, tsy nanova an'izany mihitsy.

³¹ Nanapa-kevitra Izy hoe ahoana no Hamonjeny ny olona. Niegaka isika amin'izao andro izao ny hampianatra ny olona hiditra ao amin'izany; niezaka isika ny hanome fianarana azy ireny, niezaka ny hampianatra azy ireny, niezaka ny hanao anaram-piangonana, niezaka ny hanao an'ireo karazan-javatra rehetra ireo; mampiditra azy ireny, manetsika azy ireny hiditra, manao batisa azy ireny hiditra, ny fomba hafa rehetra izay misy, mampiditra azy ireny amin'ny alàlan'ny taratasy. Fa mbola mijanona foana, mitovy, Andriamanitra dia mihaona amin'ny olona iray eo ambanin'ny Ràn'ny Zanak'ondry nalatsaka. Rà no fomban'Andriamanitra tany amin'ny voalohany, ary Rà no fomban'Andriamanitra izao hariva izao. Tsara ny manao fivalozana sy ireo zavatra rehetra ireo, fa tonga amin'ny alàlan'ny Rà irery ihany ny famonjena. Rà no fomba tokana izaynofidian'Andriamanitra hamonjena ny olona, ary tsy afaka manova an'izany Izy.

³² Nanana an'ilay zavatra iray ihany i Joba. Fantany fa marina iray izy, satria izy dia nanolotra ny—ny fanatitra izay notakian'Andriamanitra taminy.

³³ Ankehitriny, ndao isika hitady ankehitriny mba hahita hoe inona io toerana io, sy ilay toerana izay Nametrahany Ny Anarany. Tsy maintsy hitantsika hoe aiza no Nametrahany Ny

Anarany. Amin'izay fotoana izay, raha hitantsika hoe iza no Anaran'Andriamanitra sy hoe aiza no Nametrahany an'izany, amin'izay fotoana izay dia hanana an'ilay toeram-pivavahana isika vantany vao hitantsika izany.

Ireo zavatra rehetra ireo, mazava ho azy, tandindon'ireo zavatra ho avy izany. Manao aloka mialoha an'ireo zavatra ho avy ny lalàna rehetra.

³⁴ Tahaka ny hoe, aloka iray an'ny masoandro ny volana. Manompo izy amin'ny tsy maha-eo ny masoandro, tahaka ny hoe tsy maintsy manompo amin'ny tsy maha-eo ny Z-a-n-a-k'Andriamanitra ny Fiagonana. Amin'ny tsy maha-eo an'ilay Zanaka, dia ilay Hazavana malefaka kokoa, ny Fiagonana, ireo mpino, no manompo an'Andriamanitra ary manome Hazavana amin'ny tsy maha-eo ny Zanaka. Fa rehefa miposaka ny masoandro, dia tsy mahita ny volana intsony ianareo, satria lasa nidina izy. Tsy mila ny hazavany intsony izy, satria manome ny hazavany faharoa fotsiny izy, avy amin'ilay masoandro. Ankehitriny, tahaka ny vady lahy sy vady vavy, toy izany ny masoandro sy ny volana, ny Fiagonana sy Kristy.

³⁵ Ankehitriny hitantsika, fa, aloka iray an'i Kristy ireo zavatra ireo. Ny fanatitra rehetra, fety, sy ny sisa ao amin'ny Testamenta Taloha, dia manao aloka mialoha an'i Kristy; tahaka ny aloka izay midona amin'ny gorodona fotsiny. Eto ankehitriny no tsy maintsy hahitantsika an'ilay toeram-pivavahana marina, dia ny miverina eto amin'ny Testamenta Taloha izay nanomezana azy ka mahita hoe inona ireo zavatra ireo.

³⁶ Ankehitriny, rehefa midona amin'ny gorodona ny aloka iray, dia afaka miteny ianareo na lehilahy izany, vehivavy, na biby, na mety ho inona ilay izy, satria manipy aloka iray eo ambonin'ny gorodona izany. Ary rehefa miha-fohy io aloka io, ny aloka dia ny negatifia; ary tsy mety hisy negatifia iray raha tsy misy pozitifa anankiray. Noho izany, rehefa lasa manakaiky ny negatifia ilay pozitifa, dia voatelina ao anatin'ny pozitifa ilay negatifia. Ny aloka sy ny—sy ny pozitifa dia tonga miaraka, ary izany no manao an'ilay izy ho pozitifa amin'izay fotoana izay.

Ary raha "ireo zavatra fahiny rehetra," hoy ny Baiboly, "ao amin'ny Testamenta Taloha, dia alok'ireo zavatra ho avy," amin'izay fotoana izay àry dia Kristy no alok'ireo zavatra ho avy.

³⁷ Noho izany afaka mahita isika, amin'ny alàlan'ireo tandindon'ny Testamenta Taloha, izay Nofidiany hametrahana Ny Anarany, ary mba...ho an'ny ankehitriny. Ankehitriny, satria ilay aloka dia, midona amin'ny gorodona, hoy aho, dia ny negatifia, satria tandindona iray. Noho izany isika, ireo mpivavaka, dia afaka mahita koa an'ireo aloky ny Testamenta Taloha milofika ao anatin'ilay pozitifan'ny Vaovao.

³⁸ Ankehitriny, ireo fety rehetra, ireo firavoravoana, ireo tabernakely rehetra, ireo hazo rehetra, ny zavatra rehetra tao

amin'ny tabernakely, nanao tandindona an'i Kristy ny zavatra rehetra. Ireo fanatitra rehetra, ireo lalàna rehetra, ny zavatra rehetra dia tao amin'ny tandindon'i Kristy. Efa nodinhantsika izany, imbetsaka ary imbetsaka, teto amin'ny tabernakla.

Noho izany hitantsika, tamin'ny alàlan'ireo, fa ny faneke-pinoana rehetra, ny fiangonana, ary ny anaram-piangonana dia tavela lavitra any aoriania. Tsy tao amin'ilay hazakazaka akory aza izany, tsy tao mihitsy. Ny faneke-pinoana rehetra, ny fiangonana rehetra, ny anaram-piangonana rehetra, dia any velan-tanteraka. Tsy misy toerana ho azy ireo mihitsy.

³⁹ Tsy misy na inona na inona ao amin'ny Testamenta Taloha izay nanao tandindona, na aiza na aiza ao amin'ny Baiboly, an'ilay fiangonana, afa-tsy ilay firaisansa noterena an'ny tilikambon'i Babela. Izany no zavatra tokana izay manao tandindona an'ilay firaisansa. Satria, izany dia tamin'ny alàlan'i Nimroda, lehilahy ratsy fanahy iray izay nandeha sy nanery ny faritra kely rehetra mba hiditra ao amin'ny toerana iray dia io tilikambo lehibe io. Fivavahana ara-pivavahana izany, mazava ho azy, nefà tsy noraisina tao amin'ny Tenin'Andriamanitra. Noho izany eo no ahitanareo ny fivavahana ara-anaram-piangonana natao tandindona, ny tilikambon'i Babela, ao amin'ny Testamenta Taloha. Fa, fivavahana iray tokoa io fivavahana io, saingy tsy fivavahan'ny Tenin'Andriamanitra.

⁴⁰ Tsy nifidy hametraka Ny Anarany tao amin'ny anaram-piangonana iray Andriamanitra. Mila ny Soratra ho an'izany aho, raha izay no izy. Fantatro fa milaza izy ireo hoe nifidy Izy, saingy tsy nifidy Izy. Tsy afaka mametraka Ny Anarany ao amin'ny toerana maro Izy, satria nilaza Izy fa nametraka Ny Anarany tao amin'ny toerana iray Izy. Ary, izany toerana anankiray izany, te-hilaza ny tsirairay avy amin'ireo anaram-piangonantsika hoe izy ireo izany toerana izany, saingy mifanohitra ilay izy.

Fa taiza no Nametrahany Ny Anarany?

⁴¹ Ankehitriny, ary, Izy, iza No Anarany, aloha? Isika dia tsy maintsy (Anarana) mahita hoe iza no Anaran'Andriamanitra alohan'ny ahafahantsika mahita hoe inona no Apetrany ao amin'ilay toerana.

Ankehitriny, hitantsika fa nanana titra maro Izy. Izy dia antsoina hoe ny...Nantsoina Izy hoe "Ray," izay titra iray. Ary nantsoina Izy hoe "Zanaka," izay titra iray. Nantsoina Izy hoe "Fanahy Masina," izay titra iray. Nantsoina Izy hoe "Raozin'i Sarona," izay titra iray. "Lisin'ny Lohasaha," titra iray, "Kintan'ny Maraina." "Jehovah-jire, Jehovah-rafa," anarana fito samihafa, mifangaro, fanavotana, ary titra izy rehetra. Tsy misy anarana ny iray amin'ireo.

Fa manana Anarana iray Izy.

⁴² Rehefa nihaona tamin'i Mosesy Izy, tsy mbola nanana Anarana iray Izy, ka niteny tamin'i Mosesy Izy hoe, "IZAHO IZAY IZY." Ary rehefa hitantsika Jesosy teto an-tany, miteny ao amin'ny Hebreo ny toko faha-6... Miala tsiny aminareo aho, Masindahy Jaona ny toko faha-6. Hoy Izy hoe, "IZAHO IZAY IZY."

Hoy izy ireo hoe, "Nahoana, Lehilahy iray tsy mihoatra ny dimampolo taona ve Ianao, nefo milaza fa Ianao dia 'efa nahita an'i Abrahama'?"

⁴³ Hoy Izy hoe, "Talohan'ny nisian'i Abrahama, dia IZAHO NO IZY." Ary "IZAHO NO IZY" dia ilay Anankiray, ilay roimemny nirehitra, ilay Andry Afo tao anatin'ny roimemny nirehitra tany tamin'ny andron'i Mosesy, ilay "IZAHO ILAY IZY."

⁴⁴ Ary hitantsika ankehitriny fa Jesosy dia nilaza, ihany koa hoe, "Izaho dia tonga tamin'Ny Anaran'ny Raiko, fa tsy nandray Ahy ianareo." Noho izany, tsy maintsy Jesosy no Anaran'ny Ray. Marina izany. Jesosy no Anaran'ny Ray, satria Jesosy no niteny an'izany. "Mitondra Ny Anaran'ny Raiko Aho. Izaho dia tonga tamin'Ny Anaran'ny Raiko, fa tsy nandray Ahy ianareo." Noho izany, Jesosy No Anarany.

Ary Gabriela niantso Azy hoe Jesosy, ireo mpaminany niantso Azy hoe Jesosy, ary tena Jesosy marina tokoa Izy. Talohan'ny Fahaterahany, na ilay mpaminany masina aza dia niantso Ny Anarany hoe *Imanoela*, izany hoe, "Amintsika Andriamanitra." Avy eo, "Voaseho tao amin'ny nofo Andriamanitra, mba hanaisotra ny fahotan'izao tontolo izao," ary, teo am-panaovana an'izany, dia nomena Anarana Jesosy Izy. Noho izany, Jesosy ilay Anarana.

Ary napetraka tao amin'ny Lehilahy iray ilay Anarana; fa tsy fiangonana iray, tsy anaram-piangonana iray, tsy fanekem-pinoana iray, fa Lehilahy iray! Nifidy ny hametraka Ny Anarany tao amin'i Jesosy Kristy Izy. Hitantsika ankehitriny fa lasa toeram-pivavahanan'Andriamanitra Izy tamin'izay fotoana izay, izay hivavahanareo Aminy.

⁴⁵ Talohan'ny Nahaterahany mihitsy aza, dia nantsoina hoe Jesosy Ny Anarany. Tena zava-dehibe tokoa izany, nomeny'ny Anjely Gabriela ny Reniny izany, fa Ny Anarany hantsoina hoe "Jesosy, Zanak'Andriamanitra," izay naha-izy Azy.

⁴⁶ Ananantsika izany eo, amin'izay fotoana izay. Io ilay izy, irery ihany. Izany dia, ho Azy irery ihany, toeram-pivavahana nofidian'Andriamanitra. Toeran'Andriamanitra, voafidy. Nifidy ny hihaona amin'ny olona Andriamanitra; tsy ao amin'ny fiangonana iray izany, tsy ao amin'ny anaram-piangonana iray, tsy ao amin'ny fanekem-pinoana iray, fa ao amin'i Kristy. Izany no toerana tokana izay hihaonan'Andriamanitra amin'ny olona anankiray, ary afaka mivavaka amin'Andriamanitra izy, dia ao amin'i Kristy. Izany ilay toerana tokana. Tsy mampaninona na

Metodista ianareo, Batista, Katolika, Protestanta, na mety ho inona ianareo, toerana tokana ihany no azonareo hivavahana marina amin'Andriamanitra, izany dia ao amin'i Kristy.

Romana 8:1, nanao hoe, "Noho izany tsy misy fanamelohana ho an'ireo izay ao amin'i Kristy Jesosy, izay tsy mandeha araka ny nofo, fa araka ny Fanahy." Izany no Filazantsara.

⁴⁷ Afaka tsy mifanaraka isika eo amin'ireo fanekempinoana. Afaka tsy mifanaraka isika eo amin'ireo fotokevitra nataon'olona. Afaka mandeha any amin'ny fiangonana Metodista iray ianareo, tsy maintsy ho Metodista iray ianareo; Batista iray, Batista iray; Katolika iray, Katolika iray. Fa vantany vao vita batisa ao amin'i Kristy ianareo, ka lasa mambran'Ny Vatany, dia tsy misy fahasamihafana intsony. Rava ireo rindrina afovoany mampisaraka ary afaka ianareo, satria ao amin'i Kristy Jesosy. Ary mivavaka amin'Andriamanitra amin'ny Fanahy sy amin'ny Fahamarinana ianareo rehefa ao amin'i Kristy Jesosy. Izany no drafitr'Andriamanitra hivavahanareo Aminy ao amin'i Kristy Jesosy.

⁴⁸ Ankehitriny, tsy misy anaram-piangonana afaka mihambo ho ity, tsy misy olona afaka mihambo ho itsy. Ahoana no hahasahianareo hanao fihamboana tahaka an'izany? Ho fanahy antikristy iray ny manao zavatra tahaka an'izany, esorina avy ao amin'i Kristy; ny manala avy ao Aminy. Tsy mahazo manao an'izany ianareo. Kristy no toerana tokana izay ihaanon'Andriamanitra amin'ireo mpivavaka.

⁴⁹ Milaza izy ireo, amin'izao andro izao. Efa nanana an'ireo olona aho niteny tamiko. Niantso ahy ny lehilahy iray vao tsy ela akory izay, tany Beaumont, Texas. Hoy izy hoe, "Atoa. Branham, raha tsy ao amin'ny bokim-piangonanay ny anaranao, dia tsy afaka handeha ho any An-danitra ianao." Mba afaka hieritreritra an'izany ve ianareo? Aza mino ny zavatra tahaka an'izany. Mihevitra izy ireo fa tsy maintsy mikambana amin'izany fiangonana iray izany ianareo fa raha tsy izany tsy afaka handeha ho any An-danitra. Diso izany. Ny mino an'izany, dia antikristy. Hilaza an'izao aho: raha mino fanahy iray tahaka an'izany ianareo, dia very. Izany no famantarana tsara iray fa very ianareo, satria manala avy amin'izay nataon'Andriamanitra izany. Tsy nametraka Ny Anarany tao amin'ny fiangonana iray mihitsy Andriamanitra. Napetrany tao amin'Ny Zanany Izany, Kristy Jesosy, rehefa lasa Iray Izzy sy Ny Zanany. Izany no toeram-pivavahana tena izy. Tsy misy fanorenana hafa napetraka, tsy misy vatolampy hafa.

Eo amin'i Kristy, ilay Vatolampy mafy, no ijoroako;
Ny tany hafa rehetra dia fasika miletsy.

Hirodana sy hianjera ireo anaram-piangonana, ho levona ireo firenena, fa Izzy no haharitra mandrakizay. Tsy misy toerana hafa izay mety ho hitan'ny olona iray, hivavahana

amin'Andriamanitra, izay hamalian'Andriamanitra azy, tsy misy toerana afa-tsy ao amin'i Kristy Jesosy. Izany no toerana tokana, ny toerana tokana izaynofidian'Andriamanitra hametrahana Ny Anarany, ary ny toerana tokana izay Ihaonany amin'ny olona, mba hivavahana. Very ianareeo, raha mino zavatra hafa.

⁵⁰ Mariho, notandremana tao amin'ny toerana iray ihany ireo fety fito Jiosy rehetra. Tsy nitandrina fety iray mihitsy izy ireo hoe *eto* ho an'ny Metodista, ary ny anankiray *eto* ho an'ny Batista, ny iray *etsy* ho an'ireo Presbyterana, ny anankiray *eto* aoriana eto ho an'ny Katolika, ary ny iray ho an'ny Protestanta. Notandremana tao amin'ny toerana iray ihany ireo fety fito rehetra.

⁵¹ Tandindona iray mahafinaritra izany eto. Vao avy nandinika an'ireo Taona Fiton'ny Fiagonana isika, mba hanehoana fa mihazona an'ireo Taona Fiton'ny Fiagonana rehetra ao amin'ny Teny Andriamanitra, satria namokatra ampahany iray an'ny Teny ny taom-piangonana tsirairay, ka na oviana na oviana namokaran'izy ireo an'izany dia nahita ny Hazavana izy ireo.

Tahaka ny olona izay nahita voalohany ny fanaovana batisa tamin'ny Anaran'i Jesosy mihitsy. Inona no nataon'izy ireo? Nanao anaram-piangonana iray avy tamin'izany izy ireo, ary maty teo no ho eo izany. Avy eo niditra avy hatrany tao amin'ny olon-kafa iray Andriamanitra. Tsy hijanona ao anatin'ny iray amin'ireo fanekem-pinoana sy dogma ireo Izy. Tsy misy Idirany amin'izany. Tsy misy na inona na inona nosimbaina amin'Andriamanitra. Masina ny Tenin'Andriamanitra, tsy mifangaro. Kristy no ivon'ny toeram-pivavahan'Andriamanitra. Andriamanitra Izy.

⁵² Tsy maintsy notandremana ao amin'io toerana iray io ireo fety fito rehetra. Tsy afaka nitandrina ny fety tany amin'ny toerana hafa iray ianareeo. Fa ireo fito ireo, toerana. . . Tsy maintsy notandremana ao amin'ny toerana iray ireo fety fito an'ny taona ireo. Noho izany, tsy maintsy avy tamin'ny toerana tokana iray ireo Taona Fiton'ny Fiagonana, izany no Kristy miteny ao amin'ireo Taona Fiton'ny Fiagonana rehetra. Tena marina tokoa izany. Tandindona, an'ireo Taona Fiton'ny Fiagonana, saingy nanao anaram-piangonana avy tamin'izany izy ireo.

⁵³ Ndao hijery tandindona iray hafa ankehitriny raha mbola eo ihany isika, izany dia, ny tandindon'ny paska, nanao aloka mialoha an'i Jesosy. Mahamarika isika eto an'ilay fanatitra rà, amin'ny alàlan'ny fahafatesana. Ilay fanatitra rà no toerana izay nanao aloka mialoha an'i Kristy. Afaka mandeha rà ve ny anaram-piangonana iray; afaka mieritreritra fiagonana iray mandeha rà ve ianareeo, anaram-piangonana iray mandeha rà? Tsia tokoa. Nila rà izany, mba handeha rà avy amin'ny aina iray. Ary, ilay aina, miseho amin'ny alàlan'ny zanak'ondry

Jesosy eto. Tandindona iray an'i Kristy ilay zanak'ondry, ary nanao aloka mialoha an'i Kristy, satria Izy no "ilay Zanak'ondrin'Andriamanitra," izay nampahafantarain'i Jaona, "izay manaisotra ny fahotan'izao tontolo izao." Mahita an'i Jesosy miseho isika, eto amin'ny Eksodosy ny toko faha-12.

⁵⁴ Mariho, izany ihany no toerana tokana izay tsy azon'ny fahafatesana nasiana. Rehefa teo am-pamelezana ny tany ny fahafatesana, dia tsy maintsy nisy toerana manokana iray; maty ny rehetra tsy tao ambanin'io. Toerana iray ihany! Ankehitriny, tsy nidika izany hoe trano iray; fa nisy toerana iray, izany dia teo amin'izay namonoana an'ilay zanak'ondry. Izay nisy an'ilay ràn'ny zanak'ondry, dia tsy azon'ilay anjelin'ny fahafatesana nasiana, satria izany no toerana iray izay nametrahan'Andriamanitra Ny Anarany. Ary efa nomena anarana tany amin'ny voalohany tany io zanak'ondry io, zanak'ondry iray. Mariho, izany no toerana iray izay tsy azony nasiana.

⁵⁵ Ary ankehitriny toy izany ihany amin'izao andro izao. Toerana tokana ihany no tsy azon'ny fahafatesana ara-panahy asiana, izany dia ny Teny. Tsy afaka mamely ny Teny ny fahafatesana, satria Tenin'Andriamanitra velona Izany.

Fa rehefa mametraka fanekekem-pinoana miaraka amin'Izany ianareo, dia manala ny Tenany ny Teny. Hisaraka tahaka ny rano amin'ny menaka Izany. Tsy afaka manafangaro an'izany miaraka ianareo. Noho izany, hitanareo, rehefa miditra ao amin'ny anaram-piagonana iray ny fanekekem-pinoana, dia manaraka an'ilay fanekekem-pinoana izy rehetra; ary mihalefy ny Teny, ka mankao amin'ny olon-kafa iray ary mampitombo Azy hatrany. Maka bahana, raha mandeha avy ao amin'ny fanamarinana Izzy, fahamasinana, batisan'ny Fanahy Masina, ary mivoaka mankao amin'ilay Voa! Hitanareo ve ilay lâlana izay arahin'Andriamanitra? Mitondra Ny Anarany, hatrany foana, amin'ilay fomba iray ihany mihitsy, satria Izzy no Teny.

Mariho, tsy mety maty Izzy. Tsy mety maty ny Tenin'ny Fiainana.

⁵⁶ Mariho hoe tanteraka toy ny ahoana, ankehitriny. Tsy norarâna tsy hamely an'ireo olona malaza mahay an'i Egypta ilay anjelin'ny fahafatesana. Tsy norarâna tsy hamely an'ireo taniny masina izy, ireo tranobeny lehibe, ireo faraony. Na, ireo mpisoron'ilay tany, tsy norarâna tsy hamely ilay anjely. Afaka namely ny tranobe rehetra izy, ny toerana rehetra, ny olona rehetra, fa tsy afaka namely tany amin'izay nisy an'ilay zanak'ondry izy.

Tsy afaka mamely any amin'izay misy an'io toerana nomanin'Andriamanitra io ny fahafatesana, ary ao amin'ilay Zanak'ondry izany.

⁵⁷ Mariho, na dia ny...tsy noraràna tsy hamely ny Isiraelny na ireo mpisorony Hebreo izy, ary, na ireo anaram-pianganany rehetra. Ny rehetra dia tsy maintsy ao amin'ny toerana nofidian'Andriamanitra, nomanina, raha tsy izany mameley ny fahafatesana.

⁵⁸ Ry fiangonana, na aiza na aiza ianareo, na inona ikambananareo, tsy manao fahasamihafana amiko izany. Fa, zavatra iray no tsy maintsy fantattrareo, tsy maintsy ao amin'i Kristy ianareo raha tsy izany maty. Tsy afaka ho velona any Ivelany ianareo. Mety ho tena tsara ny fiangonanareo, amin'ny maha-tranobe iray; mety ho tena tsara ny fiombonanareo, amin'ny maha-olona. Fa rehefa mandà an'ilay Vatana ianareo, ilay Rà, ilay Tenin'i Jesosy Kristy, dia maty amin'ilay minitra izay anaovanareo an'izany. Izany no toeram-pivavahana nofidian'Andriamanitra. Eo no misy Ny Anarany, marina tokoa. Eo no Nofidiany hametrahana Ny Anarany; tsy ao amin'ny fiangonana, fa ao amin'ny Zanaka, Jesosy Kristy.

⁵⁹ Mariho, eo amin'ny toeran'ny Safidiny ihany no misy ny fiarovana, ao amin'ny Zanak'ondriny, ary amin'ny anaran'ilay zanak'ondry.

⁶⁰ Mariho, izany dia zanak'ondry "lahy" iray, izy, [Amin'ny teny Anglisy dia he,—Mpand.] fa tsy azy. [her.] Tsy fiangonana iray, izy; [she:] fa Ny Anarany, [His] fa tsy ny anarany. [her.] Izay Hihaonany amin'ny olona dia tsy ao amin'ny anarany, [her,] fa ao amin'Ny Anarany, Izy, [Him] ilay Zanak'ondry!

⁶¹ Ankehitriny hoy isika hoe, "Ny fiangonana, ilay fiangonana malaza, mahery, nanao an'ity izy, ary nanao an'itsy. Efa nisedra an'ireo oram-baratra izy. Nampitombo ny isan'ny olona izahay. Maro an'isa izahay. Fiangonana mahery iray izahay. Zavatra malaza iray izy."

Fa tsy nilaza na inona na inona momba ny izy [she] iray mihitsy Andriamanitra. Hoy Izy hoe, "Izy." ["Him."] "Izy," ["Him,"] no toerana fihaonana, ilay Zanak'ondry, fa tsy ilay fiangonana. Tsy ny anarany, [her,] fa Ny Anarany. [His.] Tsy nametraka ny anarany [her] na taiza na taiza mihitsy Izy. Izy dia nametraka Ny Anarany tao "Aminy"! ["Him"]

Izany no antony hoe, "Izay rehetra tsy maintsy ataontsika, na teny na asa, dia tsy maintsy ataontsika amin'ny Anaran'i Jesosy Kristy izany rehetra izany." Raha mivavaka isika, dia tsy maintsy mivavaka amin'ny Anaran'i Jesosy. Raha manao fangatahana isika, dia tsy maintsy mangataka amin'ny Anaran'i Jesosy. Raha mandeha isika, dia mandeha amin'ny Anaran'i Jesosy. Raha miresaka isika, dia miresaka amin'ny Anaran'i Jesosy. Raha manao batisa isika, dia tsy maintsy manao batisa amin'ny Anaran'i Jesosy Kristy. Satria, "Izay rehetra ataontsika amin'ny teny na amin'ny asa, dia ataovy amin'ny Anaran'i Jesosy Kristy izany."

⁶² Nilaza tamiko ny lehilahy iray indray mandeha, niady hevitra an'izany, hoy izy hoe, "Rahalahy Branham, ny vadiko, izaho tsy..." Hoy izy hoe, "Izy, ny anarany dia *Ranonasy-ranona*." Mpitoriteny iray izy, angamba mipetraka eto ankehitriny. Ary hoy izy hoe, "Ny vadiko," hoy izy, "mitondra ny anarako izy." Hataoko fotsiny hoe Jones, satria tsy Jones ilay izy. Hoy izy hoe, "Ankehitriny, tsy voatery hifoha isa-maraina izy, haka kifafa ka hanao hoe, 'Ankehitriny hamafa ny gorodona amin'ny anaran'i Jones aho, sy hanasa vilia amin'ny anaran'i Jones, ary hanampina an'ireo akanjo amin'ny anaran'i Jones aho..." Hoy izy hoe, "Tsy mihevitra aho fa tsy maintsy hiantso anarana iray mihitsy ianao."

Hoy aho hoe, "Mino aho fa tokony hihevitra ianao." Marina izany.

Ary hoy izy hoe, "Eny, nahoana? Tsy mila milaza an'izany izy. Ny zavatra rehetra izay ataony dia amin'ny anaran'i Jones, eo am-panombohana."

⁶³ Hoy aho hoe, "Fa tsy nandeha teny an-dàlambe mihitsy ianao ka nitondra azy, ary nanao hoe, 'Avia, ry Jones.' Izy dia tsy maintsy lasa, aloha, tamin'ny alàlan'ny fotoam-pivavahana iray, fotoam-pivavahana ho an'ny fanambadiana iray, 'Jones.' Raha tsy izany izy, dia miaina ao anatin'ny fijangajangana ianareo. Ary raha natao batisa tamin'ny fomba hafa ankoatry ny tamin'ny Anaran'i Jesosy Kristy ianareo, dia batisan'ny fijangajangana iray izany, izay tsy hita ao anatin'ny Baiboly."

Avy eo, "Izay ataonareo amin'ny teny sy asa, dia ataovy amin'ny Anaran'i Jesosy izany rehetra izany," aorian'izany, dia izay ataonareo. Fa tsy maintsy manatona amin'Ny Anarany aloha ianareo.

⁶⁴ Misy vehivavy tsara maro ato amin'ny tranobe izao hariva izao, vehivavy tsara, mahatoky; saingy Rtoa. William Branham iray ihany no misy. Izy no anankiray izay mandeha mody miaraka amiko. Izy no anankiray izay vadiko.

⁶⁵ Misy olona tsara eto amin'izao tontolo izao, fiangonana tsara; fa Rtoa. Jesosy Kristy iray ihany no misy, ary ho an'io no Hahatongavany. Ao amin'io no mipetraka Ny Anarany. Ao no misy ny Fivavahany, ao Aminy ary Aminy irery ihany. Marina izany. Oh, eny, tompoko. Hitantsika fa izany no marina.

⁶⁶ Ankehitriny, izany no antony, isika, "Izay rehetra ataontsika amin'ny teny na amin'ny asa, dia ataontsika amin'ny Anaran'i Jesosy Kristy izany."

"Tsy misy anarana hafa ambanin'ny Lanitra nomena ho an'ny famonjena, afa-tsy ny Anaran'i Jesosy Kristy." Asa, ny toko faha-2, no milaza hoe, "Fa aoka ho fantatrareo izany..." "Tsy misy anarana hafa ambanin'ny Lanitra nomena izay hahavoavonjy ny olona, fa amin'ny Anaran'i Jesosy Kristy irery

ihany.” Amena. Antenaiko fa azonareo izany. Ny Anaran’i Jesosy Kristy, ny rehetra . . .

Mitondra ny Anarany ny Lanitra avo indrindra, “Antsoina hoe Jesosy ny fianakaviana rehetra any An-danitra,” hoy ny Baiboly, “ary antsoina hoe Jesosy ny fianakaviana rehetra ety an-tany.” Koa izany no Anarana nofidian’Andriamanitra sy izay Nametrahany an’Izany. Izany no Toeram-pivavahany, dia ao amin’i Jesosy Kristy. Ankehitriny, fantatsika fa izany no izy, tsy misy toerana hafa hivavahana afa-tsy ao Aminy.

⁶⁷ “Tsy misy anarana hafa ambanin’ny Lanitra nomena eo anivon’ny olona, izay hahavoavonjy azy ireo.” Ny Azy no Anaram-panavotan’Andriamanitra. Andriamanitra dia manana anarana iray antsoina hoe Jehovah-jire, Jehovah-rafa, Jehovah-jire. “Ny Tompo no mameila ny helokao rehetra.” *Jehovah-rafa*, “ny Tompo no manasitrana ny aretinao rehetra.” Nanana titra maro Izy. Fa manana Anaram-Panavotana iray Izy, izay an’ny taranak’olombelona, ary izany dia ny Anaran’i “Jesosy.” Izany No Anarany, izay Nofidiany hapetraka. Taiza no Nametrahany an’Izany? Napetrany tao amin’i Kristy Izany.

⁶⁸ Ireo anaran’ny fiangonana hafa rehetra, fanekem-pinoana, titra, dia fahafatesana ny matoky azy ireo. Raha matoky ny fiangonana Metodista ianareo hitondra anareo any An-danitra, dia very ianareo. Raha matoky an’ireo Pentekotista ianareo, ny fiangonana Pentekotista hitondra anareo any An-danitra, dia very ianareo. Ary ny Batista, Loterana, Presbyterana, Katolika, ny fiangonana hafa rehetra; raha matoky ny anarany ianareo, na ny titrany, na ny fanekem-pinoany, dia very ianareo.

Satria, tsy afaka hivavaka akory aza ianareo raha tsy miditra ao amin’ilay toeram-pivavahana aloha. Amena. Izany no toerana tokana ihaonan’Andriamanitra amin’ny mpivavaka, dia ny toerana izay Nofidiany hametrahana Ny Anarany. Ny hafa rehetra, raha matoky azy ireny ianareo, dia ho faty. Izy koa . . .

⁶⁹ Aloka iray hafa an’i Jesosy eto, noraisiko naoty, ny Soratra. Izao koa, Izy—Izy nanao aloka mialoha eto, “Tsy maintsy ho tsy misy kilema Izy.” Ny toerana izay Ametrahany Ny Anarany, tsy maintsy ho tsy misy kilema io zanak’ondry io.

Ankehitriny, anaram-piangonana na rafitra inona no azonareo ametahana an’izany; fiangonana inona, Katolika, Protestanta, Jiosy, na inona na inona izany? Rafitra inona, anaram-piangonana, no azonareo ametahana an’io hoe, “tsy misy kilema ao aminy”? Nariana izy rehetra, ary nolavina!

Fa misy toerana iray! Haleloia! Ao amin’i Jesosy Kristy io toerana io. Tsy misy kilema iray eo Aminy. Tsy misy fahadisoana ao Aminy.

Tsy afaka mametaka an’izany ianareo. Ireo olona rehetra izay miezaka manao an’izany, dia milaza fa tsy misy fahadisoana ny fiangonany ary *ity* rehetra *ity*. Maloto izy, tsy mpankatò ny

Teny, mpitia, maty tapaka, Laodikiana, fanekekem-pinoana, fa tsy izany no Fahamarinana. Fa na i Pilato izy tenany aza, ilay Fahavalony, dia nanao hoe, "Tsy mety mahita fahadisoana ao Aminy aho." Ilay Fahavalony Manokana no nanambara fa tsy nisy fahadisoana tao Aminy. Tsy afaka mametaka fahotana iray eo Aminy ianareo.

⁷⁰ Nilaza tamin'ireo mpisorona Izy tamin'ny Androny hoe, "Iza aminareo no afaka miampanga Ahy ho manota? Iza no afaka maneho Amiko fa mpanota Aho?"

Teneno amiko ny fiangonana iray izay afaka milaza fa tsy nanao zavatra ratsy mihitsy izy ireo. Am-pahatsorana, tsy misy anankiray amin'izy ireo, saiky, izay tsy namono olona sy nanao ny zavatra rehetra izay tsy maintsy nataony eo amin'ny alimanaka, saiky. Avy eo mbola miantsy ny tenany... Koa tsy izany no toeram-pivavahana ihaonan'Andriamanitra, tsy ao amin'ny fanekekem-pinoana iray na anaram-piangonana.

⁷¹ Ry sakaizako, tsy te-handratra fihetseham-po aho, fa tompon'andraikitra amin'ny Hafatra iray aho, ary, izany Hafatra izany dia hoe, "Mivoaha avy ao amin'io loto io!" Ary raha mangataka anareo mba hivoaka aho, dia aiza no hitondrako anareo? Hitondra anareo ho ao amin'ny Branham Tabernacle ve aho? Tena fahadisoana lehibe tahaka ny sisa rehetra amin'izy ireo izany.

Fa misy toerana iray izay azoko itondrana anareo, izay haha-voaaro anareo sy miaro amin'ny fahafatesana, izany dia ao amin'i Jesosy Kristy, toeram-pivavahan'Andriamanitra. Izany ilay toerana izay atolotro anareo, izao hariva izao, izay nametrahan'Andriamanitra Ny Anarany. Ao amin'izay Nampanantenainy fa Hihaonany amin'ny olona rehetra izay miditra ao, hivavaka hiaraka aminy Izy ary hisakafo miaraka aminy, izany dia ao amin'i Kristy; fa tsy ao amin'ny fiangonana, tsy tabernakla.

Fa, ao amin'i Kristy, Izy no Tabernakelin'Andriamanitra. Izy no toerana izay nidiran'Andriamanitra, Izy tenany, ary nitoetra tao Aminy. "Ity no Zanako Malalako, Izay Sitrako hitoerana." Ao Andriamanitra no mitoetra amin'ny tabernakely, nitondra Ny Anarany ary nametraka an'Izany teo amboniny, Jesosy Kristy. Noho izany, dia napetraka ao amin'ny Lehilahy iray Ny Anarany, Ny Zanany, Jesosy Kristy, izay Nampitoerany ny Tenany amin'ny tabernakely, ary ao amin'io Tabernakely io.

Fa, ao amin'ny tandindona iray, ilay Jerosalema fahiny, ireo fety fahiny, ilay tempoly fahiny, dia tandindona iray; rehefa niditra ireo setroka, tamin'ny andro nidiran'ilay fiara, an'ny fanekena, ary tafapetraka, dia re avy tamin'izany ny Feon'Andriamanitra.

Toy izany koa no nandrenesana ny Feon'Andriamanitra, niditra tao amin'ilay Tabernakely, Jesosy Kristy; fa, ilay Taloha

(ara-boajanahary) dia tandindona sy alok'ilay Vaovao. Ary rehefa niditra tao amin'i Kristy Izzy, dia hoy Izzy hoe, "Ity no Zanako Malalako, Izay Sitrako hitoerana. Ary Izaho no hifidy ny toerana izay Hametrahako Ny Anarako, sy izay Hihaonako amin'ny olona, ary izay Hivavahako." Andriamanitra no nify an'ilay toerana; tsy ao amin'ny fiangonana anaram-piangonana, fa ao Amin'i Jesosy Kristy Eny, tomponko.

⁷² Izzy koa dia tsy maintsy ho "tsy misy kilema," araka ny nolazaiko. Tsy misy anaram-piangonana afaka hihambo an'izany. Mihambo izy ireo; antikristy izy ireo.

⁷³ Ankehitriny hitantsika eto, mariho ny Alokany indray. Ilay—ilay zanak'ondry dia tsy maintsy tehirizina. Ankehitriny, hita ao amin'ny Eksodosy 12 izany, raha mandray naoty an'izany ianareo, Eksodosy 12:3 hatramin'ny 6. Tsy maintsy tehirizina efatra andro ilay zanak'ondry, mba hozahan-toetra, hahitana raha mbola mendrika handeha ho any amin'ilay fanatitra izy. Tsy maintsy nentina izy, nodinihana hatrany sy hatrany, nandritry ny efatra andro, mba hahitana raha misy kilema eo aminy, hahitana raha misy aretina iray ao aminy, ahitana raha misy zavatra tsy mety amin'ilay zanak'ondry. Tsy maintsy tehirizina efatra andro izy.

⁷⁴ Mariho ankehitriny. Mety nieritreritra ny sasany aminareo hoe somary kely izany, novonoina teo amin'ny faha-efatra ambin'ny folo. Fa, tsarovinareo, nalain'izy ireo tamin'ny andro fahafolon'ny volana ilay zanak'ondry, ary novonoina ny andro fahefatra ambin'ny folon'ny volana, hitanareo, izany hoe notehirizina nandritry ny efatra andro.

⁷⁵ Ankehitriny, Jesosy, Anaran'Andriamanitra, Zanak'ondry, dia niditra tao Jerosalema ary tsy nivoaka intsony raha tsy taorian'ny Fahafatesany, fandevenana, ary fitsanganana. Notehirizina teo ambanin'ireo mpitsikera nandritry ny efatra andro sy efatra alina Izzy. Tanteraka toy ny ahoana ny nanaovana tandindona an'io Zanak'ondry io, notehirizina nandritry ny efatra andro. Tamin'izany no nilazan'i Pilato hoe, "Tsy mety mahita fahadisoana ao Aminy aho."

⁷⁶ Aloka iray hafa ny Aminy, tsy mety hisy taolana ho tapahana ao Aminy, izay tena tanteraka tokoa, rehefa tsy afaka nanao izy ireo. Teo am-pamonoana an'ilay fanatitra, dia tsy afaka nanapaka taolana iray izy ireo. Raha izany, dia nolavina ilay izy. Ary efa nitondra an'ilay maritoa izy ireo tany mba hanapaka an'ireo taolana teo amin'ny ranjon'i Kristy, fa hoy izy ireo hoe, "Efa maty Izzy." Notsindronin'izy ireo ny Lanivohony ary hitany ny Rà sy ny rano.

⁷⁷ Mariho indray ny zavatra lehibe hafa iray eto. Tsy handingana an'ity aho, satria voaseho tao amin'ireo fanatitra Izzy, ilay koba fanatitra.

Tsaroako fa nanana sekoly iray ireo indray mandeha, ao amin'ny Baiboly, nantsoina hoe ny sekolin'ny mpaminany, ary tena fianarana iray izany. Ary hitantsika fa nandeha tany amin'io sekoly io Elia indray andro, ka hoy izy ireo hoe, "Izahay . . ." Niangavy azy izy ireo mba hiala, nanao hoe, "Rehefa eto ianao, dia mahitsy loatra ireo zavatra." Noho izany tian'izy ireo hiala izy.

Ary nandeha izy ireo ka nitady sakafo hariva ho azy. Dia nivoaka ny andiam-pisorona iray, na mpaminany, mba haka voan-javatra sasany, hanaovana sakafo hariva ho azy. Ary rehefa nanao izy ireo, dia nanangona eran'ny aron'akanjo goavana be tamin'izy ireny; ka rehefa niverina izy ireo, nefo voatangom-boalavo ilay izy, izay poizina, dia natsipiny tao anatin'ny vilany izany. Ary nanomboka nangotraka ireo vilany, ary izy ireo, nisy olona iray, nanao hoe, "Indrisy, misy fahafatesana ao anatin'ny vilany. Ankehitriny tsy afaka hihinana akory aza isika."

Ary hoy i Elia hoe, "Itondray koba eran'ny tànana aho." Dia nalainy ilay koba ka natsipiny tao anatin'ny vilany, ary hoy izy, "Hano. Sitrana ilay vilany."

⁷⁸ Ny koba fanatitra dia Kristy. Tsy maintsy atao mitovy ny vaingana rehetra, ary tsy maintsy voatoto mitovy ny potika koba kely rehetra, ho an'ilay koba fanatitra. Maneho, fa, Izy no mpanasitrana. Izy no misolo, ary manaisotra ny fahafatesana, ka mametraka ny Fiainana; amin'ny alàlan'ireo lalàna roa. Haleloia! Izay misy ny fahafatesana, toerana iray; rehefa miditra Kristy, dia miditra ny Fiainana. Izy no tsy miova omaly, anio, ary mandrakizay. Ary izay nisy ny fahafatesana, dia lasa Fiainana, satria nampidirina tao Kristy, ilay koba fanatitra.

⁷⁹ Lesona lehibe toy ny inona no hataon'ireo zavatra ireo raha maka fotoana hamahavahana azy ireo isika! Mariho ankehitriny, tsy misy teny iray diso amin'ireo aloka ireo. Tsy misy teny iray mba hany diso, an'ilay aloka. Nanao tandindona tanteraka ny zavatra rehetra.

Izy no toeram-pivavahana nofidian'Andriamanitra, ary nomena Azy ny Anaran'Andriamanitra. Izy no toeram-pivavahana'Andriamanitra, ary nomena Azy ny Anaran'Andriamanitra. Izy no Tenin'Andriamanitra, ary Izy no Anaran'Andriamanitra. Izy no Tenin'Andriamanitra sady Anaran'Andriamanitra. "Izy no Teny tonga nofo." Izy no Tenin'Andriamanitra, Zanak'ondrin'Andriamanitra, Anaran'Andriamanitra, ary Andriamanitra. Izany no nahai-azy Azy, ilay toeram-pivavahana nofidiana sy tokana ho an'Andriamanitra.

⁸⁰ Ary lavin'Andriamanitra ny toerana hafa rehetra ankoatran'ny ao amin'i Jesosy Kristy; tsy afaka mivavaka Aminy na aiza na aiza ianareo. Hoy Izy hoe, "Foana ny hivavahanareo Amiko, mampianatra ho Foto-pampianarana

an'ireo didin'olombelona." Amin'izao andro izao isika dia manana an'ireo fanekem-pinoana, dogma, sy ny sisa, izay mampianatra fa *ity* no lèlana ary *itsy* no lèlana.

Fa hoy Jesosy hoe, "Izaho no Lèlana, ny Fahamarinana, ary ny Fiainana, ka tsy misy olona afaka manatona an'Andriamanitra raha tsy amin'ny Alàlako." Amin'ny teny hafa dia, "Izaho no Varavarana ho an'ny valan'ondry. Mpangalatra ny rehetra any ivelany." Izy no fanatonana tokana. Izy no Varavarana. Izy no Lèlana, ny Fahamarinana, ny Fiainana, izay misy rehetra; ilay fidirana tokana, ilay toerana tokana, ilay fivavahana tokana, ilay Anarana tokana.

Mifatotra amin'i Jesosy Kristy ny zavatra rehetra. Mifatotra Aminy ny Testamenta Taloha rehetra. Mifatotra Aminy ny Testamenta Vaovao. Ary mifatotra Aminy ny Fiagonana amin'izao andro izao, amin'ny alàlan'ny Tenin'ny Didiny. Tsy misy toerana iray hafa, na Anarana iray hafa, na aiza na aiza, izay hany nampanantenain'Andriamanitra hihaonana amin'ny olona iray; ao amin'i Jesosy Kristy irery ihany, ny Toeram-pivavahany voafidy.

⁸¹ Mariho, nampanantena ny hihaona amin'ireo mpivavaka Aminy ao amin'io toerana iray io ihany Andriamanitra, ary avy amin'ny Fifidianany Manokana izany; tsy avy amin'ny fifidianantsika, tsy avy amin'ny fisainantsika; fa avy amin'ny Fisainany, ny Fifidianany. Ary izany no ho toerana izay Hametrahany Ny Anarany, izay Nofidiany. Noho izany hitantsika fa mahita an'izay nisy Ny Anarany isika, izay Nofidiany, tamin'ny alàlan'ny Safidiny Manokana.

⁸² Ankehitriny satria hitantsika ilay toerana izay Nametrahany Ny Anarany, izany hoe, ao amin'i Kristy Jesosy, ary tsy misy toerana hafa, na tsy misy anarana hafa, afa-po amin'izany ve ianareo? Manaova hoe, "Amena." [Hoy ny fiagonana hoe, "Amena."—Mpand.] Ankehitriny, ilay zavatra amin'izany dia, raha hitantsika hoe aiza ilay toerana... Tsy ekena na aiza na aiza ny toeram-pivavahana, fa ao amin'i Kristy irery ihany.

Afaka mibebaka ianareo, afaka manao an'izany, fa tsy mbola mivavaka ianareo. Mangataka famelàna ianareo. Nilaza i Petera...

Tamin'ny Andron'ny Pentekosta, rehefa nahita azy rehetra niteny tamin'ny fiteny tsy fantatra izy ireo, ka niseho ireo famantarana lehibe sy fahagagana, dia nanomboka nihomehy izy ireo, nihomehy ny fiagonana, ka nanao hoe, "Feno divay vaovao ireo lehilahy ireo. Manaovao tahaka ny olona mamo izy ireo. Ny..." Maria virijiny, izy rehetra, dia niaraka, ny roapolo amby zato tamin'izy ireo. Ary nivembena tahaka ny olona mamo izy ireo, sy niteny tamin'ny fiteny tsy fantatra, ary nanohy. Hoy izy ireo, "Feno divay vaovao ireo lehilahy ireo."

⁸³ Fa i Petera, nitsangana, nanao hoe, “Ry lehilahy sy rahalahy, tsy feno divay vaovao ireo lehilahy ireo, fa vao ora fahatelon’ny andro ihany izao. Fa izao no nampitenenina an’i Joela mpaminany hoe, ‘Ary izao no hiseho amin’ny andro farany, hoy Andriamanitra, handatsaka Ny Fanahiko amin’ny nofo rehetra Aho; ny zanakalahinareo sy ny zanakavavinareo haminany; eo amin’ny Mpanompolahiko sy ny mpanompovaviko no Handatsahako Ny Fanahiko. Haneho famantarana eny amin’ny lanitra ambony Aho, sy eto an-tany; afo, andry afo, zavon’ny setroka. Izao no hiseho, alohan’ny hahatongavan’ilay Andro lehibe sy mahatsiravina an’ny Tompo, fa na iza na iza hiantso ny Anaran’ny Tompo dia hovonjena.”

⁸⁴ Rehefa ren’izy ireo izany, dia voatsindrona tao am-pony izy ireo, ka nanao hoe, “Ry lehilahy sy rahalahy, inona no azonay hatao?”

⁸⁵ Hoy i Petera hoe, “Mibebaha, ny tsirairay avy aminareo, ary aoka hatao batisa amin’ny Anaran’i Jesosy Kristy ho famelàna ny fahotanareo, ary ianareo handray ny fanomezan’ny Fanahy Masina. Fa ny teny fikasana dia hoe ny taranaka ho avy rehetra.” Ankehitriny mahita an’izany isika.

⁸⁶ Te-hahita isika ankehitriny hoe ahoana no hidirana *ao* Aminy. Ahoana no hidirantsika *ao* amin’io toeram-pivavahana io? Korintiana Voalohany 12 no mandamina an’izany, satria, “Tamin’ny Fanahy iray!” Tsy tamin’ny fiangonana iray, tsy tamin’ny fanekem-pinoana iray, tsy tamin’ny pasitera iray, tsy tamin’ny eveka iray, tsy tamin’ny pretra iray. Fa, “Tamin’ny Fanahy Masina iray no nanaovana batisa antsika rehetra tao amin’ny Vatana iray,” izay ny Vatan’i Jesosy Kristy, ary miankina amin’ny fanomezam-pahasoavana rehetra izay mipetraka *ao* amin’io Vatana io. Eny, tompoko! Tsy fikambanana, tsy fanaovana tsianjery an’ireo fanekem-pinoana, tsy mampibontsina, mampihena, fandraisan-tànana, na inona na inona hafa. Fa, amin’ny Fahaterahana no nanaovana batisa antsika *ao* amin’ny Vatan’i Jesosy Kristy! Amena. “Tamin’ny Fanahy Masina iray no nanaovana batisa antsika tao amin’ny Vatana iray.”

⁸⁷ Ary inona io Vatana io? “Tamin’ny voalohany ny Teny, ary ny Teny tao amin’Andriamanitra, ary ny Teny dia Andriamanitra. Ary ny Teny dia tonga nofo ka nonina teo anivontsika.” Ahoana no ahafahantsika ho *ao* amin’io Vatana io nefà mandà Teny iray an’Izany, na mametraka an’Izany any an-kafa any ho any nefà tsy *ao* amin’ilay Vatana akory aza Izany? Ahoana no mba hahavitantsika an’izany? Toerana nofidian’Andriamanitra!

⁸⁸ Mariho, fa rehefa natao batisa marina tao Aminy tokoa ianareo, ilay tena porofo marina dia ianareo mino Azy, ilay Teny.

Ahoana no ahafahanareo ho ampahany iray Aminy nefà mandà Azy avy eo? Ahoana no ahafahako mandà fa ny tànako

dia ny tànako? Raha misy . . . Raha mandà aho, dia misy zavatra ara-tsaina tsy mety amiko. Ary ahoana no ahafahako? Raha misy zavatra ara-tsaina tsy mety amiko, mandà fa tànako ity, mandà fa tongotro ity, dia misy zavatra ara-panahy tsy mety amin'ilay mpino izay mandà ny Teny rehetra izay hany nolazaina sy nampanantenain'Andriamanitra. Misy zavatra ara-panahy tsy mety amin'ilay mody antsoina hoe mpino.

⁸⁹ Tsy afaka mandà litera iray ny Aminy ianareo, satria lasa ampahany avy amin'ilay iray ihany. Ampahany iray avy Aminy ianareo satria natao batisa tao Aminy; tamin'ny, ny Fanahy Masina no nampiditra anareo tao amin'ny Vatan'i Jesosy Kristy. Zavatra mahafinaritra iray toy ny inona!

⁹⁰ Nanana toerana iray manokana Andriamanitra izay Nihaonany—Nihaonany tamin'i Abraham, ary teo no nivavahan'i Abraham. Ary manerana ny Testamenta rehetra!

Ary ho voadika ao aminareo ny Teny Nampanantenainy, amin'ny Alàlany. Efa azonareo ve izany? Ny Teny izay Nampanantenainy ho tanterahina amin'ny andro izay iainanareo: ho epistilin'Andriamanitra voasoratra ianareo, vakian'ny olona rehetra. Tsy izay lazainareo, fa izay ataon'Andriamanitra amin'ny alàlanareo, no hiteny mafy lavitra noho izay ho lazainareo. Hoy Andriamanitra hoe, "Izao famantarana izao no hanaraka an'ireo izay mino." Miteny amin'ny alàlanareo izany.

⁹¹ Niresaka ny amin'ity taona ity Izy, izay hisy ankehitriny. Tsy maintsy mino an'Izany ireo mpinon'ity taona ity, izay Nampanantenainy amin'izao andro izao. Tena tahaka ny tsy maintsy nidiran'izy ireo tao amin'ilay sambofiara mihitsy, mba ho voavonjy; nivoaka avy tao Egypta mba ho voavonjy; tsy maintsy miditra ao amin'i Kristy izy ireo, mba ho voavonjy ankehitriny, ao amin'ny Teny Hafatra, hoe Izy no tsy miova omaly, anio, ary mandrakizay.

⁹² Ahoana no hidiranareo ao amin'Izany? Amin'ny batisa! Batisan'ny inona, rano? Amin'ny Fanahy Masina! "Fanahy iray, no nanaovana batisa antsika rehetra tao amin'io Vatana iray io."

⁹³ Ary ny Teny Nampanantenainy, Izy dia tsy ho . . . Tsy tokony handika an'Izany ianareo. Izy no handika an'Izany amin'ny alàlanareo; izay ataonareo, izay Nampanantenainy fa hatao. Tena hitovy betsaka Aminy tokoa ny Fianganana izay manaraka Azy hany ka hahafantatra ny olona.

Jereo i Petera sy Jaona rehefa nanontaniana izy ireo mikasika ny fahasitranan'ny lehilahy iray teo amin'ny vavahady antsoina hoe Itsaraendrika. Hoy izy ireo hoe, "Hitam'izy ireo," ireo mpisorona no nahita, "fa sady tsy mahay izy ireo no lehilahy tsy nianatra," saingy nahamarika izy ireo fa efa niaraka tamin'i Jesosy izy ireo. Satria, (inona?) nanao an'ireo zavatra izay Nataony izy ireo.

⁹⁴ Tsy maintsy manao ny asan'ny Ray Izy. Ary tsy maintsy mitovy izany amin'izao andro izao.

⁹⁵ Ankehitriny, tsarovy, Izy no tsy miova omaly, anio, ary mandrakizay; satria ao Aminy no ihaonan'Andriamanitra aminareo, ilay toerana tokana izay misy; satria izany no Nofidiany hametrahana Ny Anarany, ao amin'i Jesosy. "Jesosy" no Anaran'Andriamanitra. Tsarovy, Ray, Zanaka, Fanahy Masina, dia titra ho an'ilay Anarana "Jesosy Kristy."

⁹⁶ Rehefa hoy i Matio hoe, "Koa mandehana ianareo, ampianaro ny firenena rehetra, manao batisa azy ireo amin'ny Anaran'ny Ray, an'ny Zanaka, ary an'ny Fanahy Masina."

Toy ny ahoana no nandikana diso an'izany amin'izao andro izao, ka manao hoe, "Amin'ny anaran'ny Ray, anaran'ny Zanaka, anaran'ny Fanahy Masina." Tsy voasoratra akory aza izany. Ilay izy dia, "Amin'ny Anarana," tokana, "an'ny Ray, Zanaka, Fanahy Masina." Tsy anarana ny *Ray*, tsy anarana ny *Zanaka*, tsy anarana ny *Fanahy Masina*; titra izany.

Folo andro taty aoriania, dia nitsangana i Petera ka nanao hoe, "Mibebaha, ny tsirairay avy aminareo, ary aoka hatao batisa amin'ny Anaran'i Jesosy Kristy." Noho izany nanao an'izay Noteneniny taminy mba tsy hatao ve izy? Nanao an'izay Noteneniny taminy mba hatao izy. Ny Anaran'ny Ray, Zanaka, ary Fanahy Masina dia "ny Tompo Jesosy Kristy." Natao batisa tamin'ny Anaran'ny Tompo Jesosy Kristy ny olona rehetra ao amin'ny Testamenta Vaovao.

⁹⁷ Tsy misy olona iray ao amin'ny Baiboly izay mba natao batisa tamin'ireo titran'ny Ray, Zanaka, Fanahy Masina. Tsy tonga teo amin'ny fisiana mihitsy izany mandra-pametraka an'ilay fanekek-pinoan'i Nise tao Nise, Roma. Lamina iray an'ny fiangonana Katolika izany, izay hita, manamarina an'ilay zavatra iray ihany, ao amin'ny katesisma. Manana an'izany aho, marina izany, *Facts Of Our Faith*, sy ny sisa, hoe fanekek-pinoana iray an'ny Katolika Romana tanteraka tokoa izany. Hiteny aminareo izy ireo fa tsy ao anatin'ny Baiboly izany; saingy milaza izy ireo fa manana fahefana hanova an'ireo Teny ireo, raha tiany izany, noho ilay papa. Tsy manaiky aho.

Jesosy Kristy no tsy miova omaly, anio, ary mandrakizay. "Ary na iza na iza no hanala Teny iray avy ao amin'ity Baiboly ity," hoy Jesosy, "na mametraka teny iray ao amin'Izany, dia hesorina ao amin'ny Bokin'ny Fiainana ny anjarany." Teny iray; fa tsy fehezan-teny iray, na andininy iray, fa Teny iray! "Na iza na iza hanala Teny iray . . ."

⁹⁸ Tany amin'ny voalohany, dia nampahatanjaka ny Olony tamin'Ny Teniny Andriamanitra. Teny iray, diso fandika, no niteraka ny fahafatesana rehetra, ny aretim-po rehetra, ny alahelo rehetra. Eva, tsy nandika fehezan-teny iray mihitsy

izy; Teny iray no nodikainy. Rehefa tonga teo afovoan'ny Boky Jesosy...Io no voalohan'ny Boky.

Rehefa tonga teo afovoan'ny Boky Jesosy, dia inona no Nolazainy? "Voasoratra hoe tsy ny mofo ihany no iveloman'ny olona, fa ny Teny rehetra izay aloaky ny vavan'Andriamanitra."

Ao amin'ny faran'ny Boky, Apokalypsy ny toko faha-22, ny andininy faha-18, ilay tena ampahany faran'ny Baiboly, Jesosy Izy tenany no miteny, nanao hoe, "Manambara Aho fa raha misy olona hanaisotra Teny iray amin'ity Boky ity, na manampy teny iray amin'Izany, dia hesorina amin'ny Bokin'ny Fiainana ny anjarany," satria mpaminany sandoka izy sady mandika diso amin'ny olona, ka ho takiana eny an-tànany ny ràn'izy ireo, amin'ny fanaovana an'izany.

⁹⁹ Tsy maintsy mihazona an'io toeram-pivavahana iray io isika, izany hoe, Jesosy Kristy ilay Teny, ilay tsy miova omaly, anio, ary mandrakizay. Amena. Eny àry. Tsarovy, tsy misy toeram-pihaonana hafa hivavahana, tsy toerana iray. Andriamanitra no nifidy an'Izany.

¹⁰⁰ Jaona, tany aoriana lavitra tany teo amin'ilay fatorana eo anelanelan'ny Testamenta Vaovao sy ny Taloha. Henoy tsara ankehitriny. Mariho tsara. Jaona, io voromahery lehibe io, dia tonga nanidina avy tany amin'ilay an-effitra indray andro, nivelatra ireo elany lehibe. Nipetraka teo amin'ny moron'i Jordana izy, mpaminany voromahery lehibe izay nanao tetezana teo amin'ilay lâlana anelanelan'ny Testamenta Taloha sy ny Vaovao, ary niantso azy ireo avy tany amin'ny havanana sy havia izy. Niantso andro fibebahana iray izy.

Rehefa nivoaka ireo Fariseo sy Sadoseo; hoy izy hoe, "Aza manandrana miteny ao anatin'ny tenanareo hoe, 'Manana an'i Abrahama ho rainay izahay,' satria lazaiko aminareo fa Andriamanitra dia afaka manangana zanaka ho an'i Abrahama avy amin'ireto vato ireto." Oh, oadray!

Rehefa nanomboka nanaparitaka ny Filazantsarany izy, ka nanao hoe, "Misy Anankiray mitsangana eo anivonareo, Izay tsy fantatrareo. Tsy mbola mahafantatra Azy aho, fa ho fantattro Izy rehefa tonga Izy. Tsy mendrika ny hamaha ny Kirarony aho. Fa Izy no hanao batisa anareo amin'ny Fanahy Masina sy Afo. Ary eny an-Tânany ny Fikororohany; hanadio tanteraka ny Famoloany Izy, ary Izy no handoro ny ampombo amin'ny Afo tsy mety maty."

¹⁰¹ Nipetraka teo io voromaherin'ny Filazantsara lehibe io, raha nampitrerona an'ireo fandrahonany lehibe izy. Ary nivoaka ilay loto, na Heroda, ilay emperorata tamin'izany fotoana izany, mpanambara, nanambady ny vadim'ny rahalahiny. Ary azonareo eritreretina ve fa hipetraka eo io voromaherin'ny Filazantsara goavana io ka hihazona ny filaminana amin'izany?

Hoy ny sasany tamin'izy ireo hoe, "Aza mitory ny fanambadiana sy ny fisaraham-panambadiana ianao ankehitriny, ry Jaona, satria io mipetraka eo io i Heroda."

¹⁰² Nandeha avy hatrany teo anatrehany izy ka nanao hoe, "Tsy ara-dalàna ny nangalanao azy." Marina!

Inona, izy, izany? Izy io voromahery avy tany an-efitra io. Tsy nofanina teo ambanin'ny tahotra sy fandrahonan'olona izy, avy amin'ny anaram-piangonana iray. Fa nofanina teo ambanin'ny herin'Andriamanitra Tsitoha izy, mba hahafantatra izay hisy. Fantany ny fanondroana ny Mesia.

Haleloia! Ilay teny dia midika hoe, "Derao Andriamanitsika!" Aza matahotra. Tsy mbola nandratra olona mihitsy aho. Tsy taitaitra aho. Fantattro tsara izay misy ahy.

Oh, rehefa mieritreritra azy aho, io voromahery goavana nanidina teo io ary nipetraka! Hoy izy hoe, "Ho fantattro Izy rehefa tonga Izy."

¹⁰³ Nitsangana teo izy indray andro, nitory teny. Tery am-pita teny amin'ilay ilany hafa ireo mpisorona, nanao hoe, "Ny tianao lazaina ve dia hoe ho avy ny fotoana iray izay hanesorana ny fanatitra isan'andro; io tempoly lehibe izay naorinay io ve, sy ny asa rehetra izay nataonay teo, izahay anaram-piangonana goavana?"

Hoy izy hoe, "Ho avy ny fotoana iray izay hahafoana an'io rehetra io."

"Tsy mety hisy izany. Mpaminany sandoka iray ianao!"

¹⁰⁴ Ary njery nanodidina izy. Hoy izy hoe, "Indro, io Izy! Io no toeram-pivavahana nofidian'Andriamanitra. Io ilay Zanak'ondry, ilay tena Zanak'ondry izay manaisotra ny fahotan'izao tontolo izao." Tsy nilaza izy hoe, "Indro tonga ilay Metodista, indro tonga ilay Batista, na ilay Katolika." Hoy izy hoe, "Io fa tonga ilay Zanak'ondrin'Andriamanitra izay manaisotra ny fahotan'izao tontolo izao."

Ny faritra tokana voaaro izay misy dia ao amin'io Zanak'ondrin'Andriamanitra io. Ao Aminy irery ihany no misy ny famonjena; tsy ao amin'ny fiangonana iray, fanekempinoana iray, vahoaka iray, ray iray, reny iray, lehilahy masina iray, na inona na inona, toerana masina. Izany dia ao amin'ilay Andriamanitra Masina, ny Tompo Jesosy Kristy, izay nametrahan'Andriamanitra Ny Anarany ao amin'ny Tenan'olombelona iray, ho an'ny fanavotana, Izay nandoa an'ilay vidiny ho antsika mpanota. Izany ihany no toerana tokana izay misy famonjena. Izany ilay Vatolampy izay ijoroako.

¹⁰⁵ Nanondro Azy i Jaona. Hoy izy hoe, "Tsy nahafantatra Azy aho raha nahita Azy tonga nanatona, fa tany amin'izay nahazoako ny fianarako..." Tsy tany amin'ny seminera izay tahaka ny nataon'ny dadany; tsy toy ny mpisorona

iray, nofanina. Fa tany an-efitra, izay nisy azy tao amin'ny seminera teolojikan'Andriamanitra Tsitoha, niandry ny Tenin'Andriamanitra; tsy izay efa nokotrehan'ny andian-dehilahy iray, fa izay efa nolazain'Andriamanitra mikasika an'Izany. Ary rehefa niandrandra i Jaona ka nahita ny Fanahy tonga, dia hoy izy hoe, "Manambara aho, fa io Izy." Oh, oadray!

Io ny toeram-pivavahanareo. Io ny toera-miafinareo. Io ilay Zanak'ondrin'Andriamanitra izay manaisotra ny fahotan'izao tontolo izao. Tsy fiangonana mihitsy, tsy fanekem-pinoana, na inona na inona hafa, fa ilay Zanak'ondrin'Andriamanitra izay manaisotra ny fahotan'izao tontolo izao.

¹⁰⁶ Hitanareo ve hoe ahoana no nametrahan'i Jaona an'izany? Tsy nilaza izy hoe, "Marina ny anareo Fariseo, ianareo Sadoseo, Herodiana." Hoy izy hoe, "Io ilay Zanak'ondry." Izany ilay toerana. Izy dia manana ny Anarana. Izy no ilay Tokana. Tsy misy anarana hafa ambanin'ny Lanitra!

¹⁰⁷ Diniho izay nolazain'i Jesosy mikasika an'i Jaona ankehitriny. Naniraka nankany Aminy i Jaona indray andro, mba hahita izay Nataony. Nilaza ny aminy i Jesosy hoe, "Izy no ilay hazavana lehibe sy mamiratra," mba haneho amin'izy ireo ny lèlana marina izay tokony harahin'izy ireo alohan'ny Fihaviany, ny Fihaviany voalohany. Henoy tsara. Aza diso an'izany. Hoy Jesosy hoe, "Jaona io hazavana io." Malakia 3, tsy misy fahadisoana! Ilay mpaminany niaraka tamin'ny hazavana lehibe namiratra no nanondro an'i Jesosy ho ilay anankiray Tokana hoe, "ilay Zanak'ondry." Ireo zanak'ondry hafa rehetra izay noresahan'ireo mpisorona, ary ireo zavatra hafa rehetra, dia fahadalana. Indro "ilay Zanak'ondry!" Ilay lehilahy niaraka tamin'ny hazavana lehibe namiratra, izay nolazain'i Jesosy fa naha-izy azy.

Hoy ny Malakia 3 hoe, "Haniraka ny Irako eo alohan'ny Tavako Aho hanomana ny lèlana." Ary ilay anankiray izay nirahina hanomana ny lèlana, no nanondro Azy, ilay toerana. "Izy izany! Tsy misy fahadisoana. Izy izany! Mahita an'ilay famantarana manaraka Azy aho. Fantatro fa Izy izany; nidina avy any An-danitra ny Hazavana iray ka nandeha teo Amboniny." Pozitifa ilay izy, Izy izany.

¹⁰⁸ Noho izany, ry rahalahiko, te-hanontany zavatra iray aminareo aho, eto am-pamaranana. Mety hilaza an'izao isika. Ao amin'ny Malakia 4, tsy nampanantenaina voromahery iray hafa koa ve isika, Andry Hazavana iray no hanaraka, mba haneho amin'ny fiangonana nanao fahadisoana amin'izao andro izao fa Izy no Hebreo 13:8, "ilay tsy miova omaly, anio, ary mandrakizay?" Tsy nampanantenaina anankiray hafa ve isika izay tonga manidina avy any an-efitra? Amena! Izany marina tokoa no Fahamarinana. Toy ny ahoana no maha-mety tsara sy itovian'izany amin'ny Lioka 17:30, rehefa ilay Zanak'olona

(Voromahery) no hanambara ny Tenany mba hitondra ny toeram-pivavahana hafa rehetra any amin'ny aotra, tahaka an'ireo anaram-piangonana sy ny sisa!

Andriamanitra no nifidy ny Toerany. Hoy Jaona hoe, “Io Izany!”

¹⁰⁹ Ary avy eo nampanantenaina an'ilay zavatra iray ihany isika amin'izao andro izao, Malakia 4 hoe, “Hamerina ny fon'ny zanaka,” mba hilazana fa tsy maty Izy, tsy ho an'ny taona iray hafa ireo zavatra ireo; tsy ho an'ny tany aorianana tany ny batisa amin'ny Anaran'i Jesosy, fa tsy miova Izy ankehitriny. Amena. Mba hitondra an'ireo toeram-pivavahana hafa rehetra any amin'ny aotra, izany no tsy maintsy ataon'ilay voromaherin'ny andro farany, mba haneho fa fahadalana ny sisa rehetra amin'izany, adala ny anaram-piangonana, ary mba hanondro amin'izy ireo indray miaraka amin'ilay famantarana iray ihany izay Nataony, hoe Izy no tsy miova omaly, anio, ary mandrakizay. Haleloia!

¹¹⁰ Izao koa, ao amin'ny Apokalypsy 4:7, nanana Zava-manan'aina efatra isika izay vao avy nodinihantsika.

Ny iray voalohany dia, efa hitantsika...hitantsika, dia ny liona. Izany ilay Zava-manan'aina voalohany izay nivoaka hihona tamin'ny fihaikana an'izany andro izany, ny Lionan'ny Fokon'i Joda.

Taoriany dia tonga ny Zava-manan'aina manaraka. Ary hitantsika, omby iray ny Zava-manan'aina manaraka, izay biby mpitondra entana, fanatitra iray. Tamin'ny andron'ny katedraly Romana, dia maty ilay Fianganana; fanatitra.

Ny tonga manaraka, dia olona iray, dia Zava-manan'aina iray miaraka amin'ny tavan'olona. Ary ireo mpanavao io olona io, olon'ny fianarana, teolojia, sy ny sisa.

Fa ny Zava-manan'aina farany izay tsy maintsy nanidina, ny Zava-manan'aina farany izay tsy maintsy tonga, nilaza ny Baiboly fa voromahery iray nanidina izany. Haleloia! Ary nilaza ny mpaminany, ao amin'izao andro izao hoe, “Hisy Hazavana.” Oh, oadray! “Hisy Hazavana amin'izany andro izany.”

¹¹¹ Efa nisy ny andro iray an'ireo mpanavao. Efa nisy ny andro iray izay aloka iray fotsiny, tsy azo antsoina hoe andro na alina. Fa amin'ny andro hariva, amin'ny fotoan'ilay Voromahery:

Hisy Mazava amin'ny fotoan'ny Voromahery,
Ny lâlana mankany amin'ny Voninahitra dia azo
antoka fa ho hitanao;
Ao amin'ny lâlan'ny rano ilay Mazava amin'izao
andro izao,
Voalevina tao amin'ny Anarana sarobidin'i Jesosy.

Tanora sy antitra, mibebaha amin'ny fahotanareo
rehetra,
Ny Fanahy Masina dia azo antoka fa hanao batisa
anareo;
Fa tonga ireo Hazavan'ny hariva,
Tena zava-misy fa Andriamanitra sy Kristy dia
Iray.

¹¹² Amena! Hisy Mazava amin'ny andro hariva, ny toeram-pivavahana tokana nofidian'Andriamanitra. Oh, ho an'ny inona no ahatongavan'ity Hafatra ity, inona no Hataony? Ary amin'ny androny dia hisy Mazava amin'ny andro hariva, ary (inona?) handray an'ireo Zanany hiverina hody ao amin'ilay tena Tany nampanantenaina, amin'ny alàlan'ny famantarana iray ihany an'ilay Andry Afo izay nitarika ny zanak'Isiraely nandalo an'ireo an-efitra.

Ny toeram-pivavahana nofidian'Andriamanitra, Jesosy Kristy. Izany no toerana tokana izay misy. Izany no Anarana tokana izay ananan'Andriamanitra ho an'ny famonjena. Izany no anarana Nomeny ny fianakaviana any An-danitra, rehefa tety an-tany izy, dia Jesosy Kristy.

¹¹³ O ry fiangonana, O ry olona, ry sakaiza mpanota, aza matoky afa-tsy Jesosy Kristy. Aza matoky mpitoky teny iray. Aza matoky olon-kafa iray hamonjy anareo. Aza matoky fiangonana iray, fanekem-pinoana iray, anaram-piangonana iray. Matokia an'i Jesosy Kristy irery ihany, satria Izy no Hazavan'ny ora.

Ndao isika hanondrika ny lohantsika.

Hisy Mazava amin'ny andro hariva,
Ny lèlana mankany amin'ny Voninahitra dia azo
antoka fa ho hitanao;
Ao amin'ny lèlan'ny rano ilay Mazava amin'izao
andro izao,
Voalevina tao amin'ny Anarana sarobidin'i Jesosy.
Tanora sy antitra, mibebaha amin'ny fahotanareo
rehetra,
Ny Fanahy Masina dia azo antoka fa hiditra;
Tonga ny Hazavan'ny hariva,
Tena zava-misy fa Andriamanitra sy Kristy dia
Iray.

¹¹⁴ Oh, rahalahy, ranabavy, raha tsy mbola nibebaka ianareo, raha tsy mbola natao batisa tamin'ny Anaran'i Jesosy Kristy ianareo, hanao an'izany fiaingana izany ve ianareo izao hariva izao? Hanome fanararaotra an'Andriamanitra ve ianareo handray anareo ao amin'ilay toerana izay azonareo ivavahana Aminy? Tsarovy, any ankoatran'izany, dia tsy misy toerana izay nampanantenain'Andriamanitra hihaonana aminareo sy handraisana ny fivavahanareo.

¹¹⁵ Hoy ianareo hoe, “Rahalahy Branham, mivavaka tena tso-po mihitsy aho!” Toy izany koa i Kaina. Nanao ny karazana fanatitra rehetra izay nataon’i Abela izy, saingy fanatitra ratsy izany. Mety mandeha any am-piangonana ianareo, sy mandoa ny ampaahafolon-karenanareo, ary manao ny andraikitrareeo arak’izay tokony ataon’ny Kristiana iray, tso-po mihitsy tahaka ny lehilahy rehetra na vehivavy.

Nitsangana teto nandritry ny telopolo taona teo aho ankehitriny, nanodidina an’ity tanàna ity, ary niantsoantso an’ity Hafatra iray ity ihany. Miha-antitra aho. Tsy afaka hiaraka aminareo ela loatra intsony aho. Fa tsarovy, amin’ny Andron’ny Fitsarana, raisim-peo ny feoko, ary hiteny hanohittra anareo indray izany.

¹¹⁶ Toerana iray ihany no ametrahan’Andriamanitra Ny Anarany, ary tsy ao amin’ny fiangonana iray izany, fa ao amin’i Jesosy. Toeram-pivavahana iray ihany no misy, toerana iray ihany izay andraisana anareo, ary izany dia ao amin’ilay Malala, Jesosy Kristy. “Tsy misy anarana hafa ambanin’ny Lanitra, nomena eo anivon’ny olona, izay mahavony,” tsy fiangonana, tsy fanekem-pinoana, tsy inona na inona. Jesosy Kristy!

Ary tokony ho ny Hafatry ny ora izany, “Mamerina indray ny fon’ny zanaka, miverina amin’ny Finoana izay nomena indray mandeha ho an’ireo masina.” Tsy hanaiky an’Izany ve ianareo izao hariva izao?

Ary raha mbola manondrika ny lohantsika isika.

¹¹⁷ Ary ireo izay te-hotsaroana am-bavaka, hanangana ny tanganareo fotsiny ve ianareo. Tsy afaka manao antso iray eny amin’ny alitara isika, satria be loatra mihitsy ilay izy. Andriamanitra hitahy anao. Oadray! Eto amin’ny ankaviako, ataoko fa misy telonjato.

¹¹⁸ Ankehitriny eto amin’ny ankavanako, hanangana ny tanganareo ve ianareo, manaova hoe, “Te-hotsaroana aho.” Ataoko fa misy dimampolo amby zato, na mihoatra, eto amin’ny ankavanako.

Manana tabernakla iray izahay eto miaraka amin’ny dobon-drano goavana iray; pasitera, pasitera mahafinaritra iray, Rahalahy Orman Neville, mpiara-miasa, ireo lehilahy manodidina eto ireo izay hitanareo sy ihaonanareo. Isan’andro, isan-kariva, isan’ora, ireo olona izay te-hatao batisa, izay nibebaka, dia miandry foana izany. Ary raha mankatò an’izany didy izany ianareo, dia mahazo antoka, amin’ny alàlan’ny teny fikasan’Andriamanitra, raha tso-po ianareo ao am-ponareo, ny hahazo ny batisan’ny Fanahy Masina.

¹¹⁹ Toeram-pivavahana iray ihany no misy. Ankehitriny, tsy ao amin’ny tabernakla izany. Ao amin’i Kristy izany. Ahoana no fidirana ao Aminy? “Tamin’ny Fanahy iray no nanaovana batisa antsika rehetra tao amin’io Vatana iray io.”

Ndao isika hivavaka.

¹²⁰ Andriamanitra malala, raha mitsangana ireo tānana ireo, mampiseho izy ireo fa misy ao ambanin'io tānana io ao amin'ny fo, faharesen-dahatra iray hoe manana antoka izy ireo fa mila fanampiana avy Aminao. Mivavaka ho an'ny tsirairay avy amin'izy ireo aho, Ray. Ary hanonona Ny Teninao aho. Hoy Ianao hoe, "Izay mandre Ny Teniko, ka mino Izay naniraka Ahy, no manana Fiainana mandrakizay, ka tsy ho tonga amin'ny Fitsarana; fa efa nifindra avy tamin'ny fahafatesana ho amin'ny Fiainana."

Ray, vao avy niala ny tanāna herinandro vitsivitsy fotsiny aho, niverina, dia nanontany hoe, "Ahoana ny amin'ity anankiray ity?"

"Nahoana, lasa izy ireo."

"Eny, ahoana ny amin'ny . . ."

"Lasa izy ireo."

¹²¹ Andriamanitra malala, antsoina tsirairay izahay, tsirairay no tsy maintsy hihaonanay amin'ny fihaikana handeha hitety an'ilay lohasaha aloky ny fahafatesana. Ary natao ho an'ny tsirairay avy aminay izany, amin'ny maha-mety maty. Fa, izao hariva izao, dia Natolotrao anay ny Fangatahanao, hoe raha hino Azy izahay ka hatao batisa amin'Ny Anarany, dia hampiditra anay Ianao. Ary amin'izay fotoana izay ao amin'io Vatana io, ny Vatan'i Kristy, tsy ao amin'ny fiangonana; fa ao amin'ny Vatan'i Kristy, efa voatsara io Vatana io. Izany dia tsy mila ho tonga ao amin'ny Fitsarana. Nandraraka ny Fahatezerany tamin'ity vatana ity Andriamanitra, ary afaka amin'ny fahotana ity vatana ity; ary, satria ao Aminy, dia manao anay ho afaka amin'ny fahotana izany, amin'ny alàlan'Ny Fanaovam-panavotany izay maty ho anay. Ary ao no anananay fiombonana amin'ny hafa, raha mbola ny Ràn'i Jesosy Kristy, Zanak'Andriamanitra, no mihazona anay hadio amin'ny fahotana rehetra sy ny fahalotoana.

¹²² Ray, Andriamanitra, mivavaka aho mba Handraisanao ny tsirairay avy amin'izy ireo ao amin'Ny Fanjakanao. Ekeo izany, Andriamanitra. Enga anie tsy hisy iray amin'izy ireo ho very; enga anie tsy hisy zazalahy iray na zazavavy iray, lehilahy na vehivavy. Tompo, mipetraka eto ny sasany amin'ireo havako manokana, izao hariva izao, izay tsy ao ambanin'io Rà io. Toy ny ahoana no ahafahako mahatsiaro tsara an'ireo tenin'ny dadako! Ary mivavaka aho, Andriamanitra Malala, mba tsy hisy iray amin'izy ireo ho very. Ekeo izany, Tompo. Mino Anao aho ankehitriny, miaraka amin'izay rehetra tokony hinoako.

¹²³ Mihetseha eo amin'ireo rahalahiko, anabaviko, ireo skaizako, eto amin'ity toerana ity izao hariva izao sy any lavitra any amin'ny alàlan'ny telefona. Fanjakana maro samihafa no mihaino, manomboka any amin'ny Morontsiraka Atsinanana

any hatrany Andrefana. Mivavaka aho, Andriamanitra Malala, any am-pitan'ireo tany efitra any Tucson any, any California any, any Nevada sy Idaho, any amin'ny Atsinanana sy ny manodidina, any Texas; raha mbola omena izao fanasana izao, ireo olona dia mipetraka ao—ao amin'ireo fiangonana kely, ireo fivarotan-tsolika, ireo trano, mihaino. O Andriamanitra, enga anie io lehilahy na vehivavy very io, zazalahy na zazavavy, amin'izao ora izao, hanatona Anao. Ekeo izany izao ankehitriny izao. Mangataka an'izany amin'ny Anaran'i Jesosy izahay, mba hahitan'izy ireo an'io toeram-piarovana io raha mbola fotoana izao.

Fa, mahita ny sora-tànana eo amin'ny rindrina izahay, mihamikorontan-tsaina ny tany, antomotra ny fotoam-panavotana. Milentika ny ampanhan'ny firenenay, mikodia sy apoakan'ny horohorontany ilay ampahany hafa, araka ny nampanantenain'i Jesosy fa hisy. Aoka tsy haharitra ela loatra izany ho azy ireo, Tompo. Enga anie izy ireo hanaiky an'izany ankehitriny, fa manolotra azy ireo ho Anao izahay ho amboaran'ny fivoriana, an'ny Filazantsara, amin'ny Anaran'i Jesosy. Amena.

¹²⁴ Mino Azy ve ianareo? Andriamanitra hitahy anareo. Firy no mino fa izany no Fahamarinana, ato amin'ny ankaviako, atsangano ny tànanareo. Firy ny ato amin'ny ankavanako, atsangano ny tànanareo. Andriamanitra hitahy anareo. Arak'izay hitako, dia ny tsirairay avy. Izany no Fahamarinana, ry sakaza. Mahafantatra Andriamanitra fa marina izany.

¹²⁵ Ankehitriny raha mbola ao Aminy, ary satria ao Aminy, dia manana fidirana amin'ny zavatra rehetra izay Nahafatesany ianareo. Ary ho an'ny inona no Nahafatesany? “Izy dia voalefona nohon'ny fahotantsika, notorotoroina nohon'ny helotsika; ny famaizana ho an'ny fiadanantsika dia natao teo Aminy, ary ny Dian-kapony no nahasitranana antsika.” Mino an'izany ve ianareo? Mino ny Fanaovam-panavotany ho an'ny fahasitrananareo ve ianareo ankehitriny?

¹²⁶ Misy marary ve eo anivontsika? Aoka izy ireo hanangana ny tànany, ankavanana na ankavia. Olon'ny aretina betsaka. Tsy afaka miantso an'ilay laharana aho. Hitanareo, izaho tsy manana . . . tsy afaka mampakatra eto amin'ny lampihazo. Tsy misy fomba hanaovana an'izany.

Manao fivoriam-bavaka izy ireo any amin'ny toerana hafa, ho an'ny marary, ao amin'ireo fiangonana sy ny sisa, any amin'ny tabernakla.

Hanonony zavatra iray aminareo aho. Firy no mpino eto? Atsangano ny tànanareo. Eny àry. Hanonona ny Teny aminareo aho, izay Kristy. Ny fanirahan'i Jesosy farany ho an'izao tontolo izao, ary ho an'ny Fiangonana, raha ny marina, dia izao no Nolazainy hoe, “Izao famantarana izao no hanaraka an'ireo izay mino; raha mametraka ny tànany eo amin'ny marary izy

ireo, dia ho sitrana ireny.” Firy no mahafantatra fa marina izany, Marka 16, manaova hoe, “Amena.” [Hoy ny fiangonana hoe, “Amena.”—Mpand.] Eny ary. Hangataka aminareo aho amin’ny maha-mpino iray mba hametra-tànanana eo amin’ny olona anankiray eo anoloanareo. Apetraho eo amin’ny olona iray eo anoloanareo fotsiny ny tànanareo, ary aoka ny tsirairay avy hivavaka vavaka iray ho an’ny tsirairay ankehitriny. Apetraho eo amin’ny olona manodidina anareo ny tànanareo.

¹²⁷ Tompo, indro eto anoloako ny boaty iray an’ireo mosara, tapa-damba kely; reny antitra iray mandry any ho any, eo am-pahafatesana, zazakely iray eo akaikin’ny fahafatesana, olona marary na aiza na aiza. Mamaky izahay ao amin’ny Baiboly fa nalain’izy ireo avy teo amin’ny vatan’i Paoly ireo mosara sy aron’akanjo, ary napetrak’izy ireo teo amin’ny marary; ka ireo fanahy ratsy, sy ireo fanahy maloto, sy ireo aretina, ary ireo faharariana, dia niala tamin’ny olona. Ankehitriny, Tompo, fantatray fa tsy i Masindahy Paoly izahay, saingy fantatray kosa fa Ianao dia mbola mijanona ho Jesosy foana, ilay toeram-pivavahana tokana nomanin’Andriamanitra. Ary ankehitriny, androany, dia niaiky ireto olona ireto fa manana ny finoany iray ihany, ka mino tahaka ny ninoan’ireo olona ireo. Azo antoka fa nanao lèlana ho azy ireo Ianao! Ary mametraka ny tànako eto amin’ireto mosara ireto aho ka mangataka mba hialan’ireo aretina sy fahoriana amin’ny vatan’ny olona izay hametrahana an’ireto amin’ny Anaran’i Jesosy Kristy.

¹²⁸ Ankehitriny, nampianarina izahay, fa rehefa nivoaka avy tao Egypta ny Israely, tao amin’ilay laharan’andraikitra, teny amin’ny lèlany nankany amin’ilay tany nampanantenaina izy ireo. Niditra teo amin’ny lèlan’izy ireo ny Ranomasina Mena. Dia niondrika Andriamanitra tamin’ny alàlan’ny Andry Afо, ka lasa natahotra ilay ranomasina, nihorona, ary namela ny Isiraely nandalo ho any amin’ilay tany nampanantenaina. O Andriamanitra, miondreha amin’ny alàlan’ny Ràn’i Jesosy, izao hariva izao, ka enga anie hihorona ireo aretina, ary ho voaroaka i Satana. Ary enga anie ny olona handalo eo amin’io teny fikasan’ny fahasalamana tsara sy tanjaka io, ka nilazan’Andriamanitra hoe, “Ambonin’ny zavatra rehetra, dia maniry Aho mba ho ambinina amin’ny fahasalamana ianareo.”

¹²⁹ Ankehitriny araka ny Hitanao eto, Tompo Jesosy, mipetraka eo amin’ny hafa ny tànan’ireto olona ireto, manao marika ny finoany izy ireo, izay Nolazainao hoe, “Izao famantarana izao no hanaraka an’ireo izay mino.” Mivavaka amin’ny fombany manokana izy ireo, ho an’ny anankiray hafa. Ilay olona eo akaiky dia mivavaka ho azy ireo.

¹³⁰ Ankehitriny, Tompo, notanterahina izany fihaikena izany, ka i Satana, ilay mpihambo goavana, dia tsy manana zò hihazona ny zanak’Andriamanitra. Olona iray resy izy. Jesosy Kristy, ilay toeram-pivavahana tokana, ilay Anarana tokana marina,

no nandresy azy teo Kalvary. Ary mitaky Ny Ràny izahay izao ankehitriny izao, izay Nandreseny ny aretina rehetra, ny faharariana rehetra.

Ary mandidy an'i Satana aho hiala amin'ity mpanatrika ity. Amin'ny Anaran'i Jesosy Kristy, mivoaha amin'ity vahoaka ity, ka ho afaka anie izy ireo.

¹³¹ Ny olona rehetra izay manaiky ny fahasitranany eo ambonin'ny fototry ny Teny voasoratra, ataovy ny fijoroanareo vavolombelona amin'ny alàlan'ny fitsangananareo ka manova hoe, "Manaiky ny fahasitranako aho ankehitriny amin'ny Anaran'i Jesosy Kristy." Mitsangàna amin'ny tongotrareo.

Ho an'Andriamanitra ny dera! Eo ianareo izao. Diniho ny eto, ireo mandringa sy ny sisa izay mitsangana. Ho an'Andriamanitra ny dera. Izay ilay izy. Minoa fotsiny. Eto Izy. Mahafinaritra toy ny ahoana!

¹³² Ao amin'ny mpanatrika, any ivelany, amin'ny alàlan'ny onjam-peo, tokony hahita ianareo! Heveriko fa ny olona rehetra ato, araka ny fantattro, na ny maro amin'izy ireo, dia mitsangana amin'izao fotoana izao. Oh, fotoana mahafinaritra toy ny ahoana! Ny Fanatrehan'ny Tompo, izany no izy! "Izay misy ny Fanatrehan'ny Tompo, no misy ny fahalahana, misy ny fahafahana." Ny Fanahin'Andriamanitra no manao antsika ho afaka.

¹³³ Ankehitriny satria efa nanasitrana antsika Izy, dia mino an'izany isika. Namonjy antsika Izy; dia mino an'izany isika. Ireo izay te-hatao batisa, dia vonona ny dobo. Amin'ny fotoana rehetra, amin'ny ora rehetra izay tianareo hahatongavana, dia hisy olona hiandraikitra an'izany eo.

Ary mihevitra aho ankehitriny, alohan'ny hamaranantsika, fa tokony hihira an'ilay hira fiderana fahiny an'ny fiangonana isika. "Tiako Izy, tiako Izy satria nitia ahy mialoha Izy." Atsangano amin'Andriamanitra ny tânantsika ary hirao amin'ny fontsika rehetra izany!

Te-hihaona aminareo eto aho ny maraina, amin'ny sivy sy sasany, ity tranobe ity ihany, ho an'ny lohahevitra hoe *Fanambadiana Sy Fisaraham-panambadiana*. Eny àry.

Ndao isika hihira hihira an'izany ankehitriny.

Tiako Izy,

Aoka hihira an'izany ity mpanatrika lehibe ity ankehitriny! Any ivelany ao amin'ny onjam-peo, hihira an'izany, ihany koa.

Satria nitia ahy mialoha Izy

Ka nividy ny famonjeko

Teo amin'ny hazon'i Kalvary.

¹³⁴ Taiza izany no vita? Teo amin'ny hazon'i Kalvary. Raha mbola mihira an'izany indray isika, dia tiako ianareo

handray ny tànan'ny olona manodidina anareo, manaova hoe,
“Andriamanitra hitahy anao, ry mpivahiny.”

Izaho . . . (. . . ? . . .)

Satria Izy mialoha . . .

Ka nividy ny famonjeko

Teo . . .

¹³⁵ Oh, tsy tia Azy ve ianareo? [Hoy ny fiangonana hoe, “Amena.”—Mpand.] Tsy mahafinaritra ve Izy? [“Amena.”] Izy ve no Toera-Miafinareo? [“Amena.”] Izy no Vatolampy eo amin’ny tany mangetana, Fialofana amin’ny fotoan’ny oram-baratra, ilay Toeram-pialofana tokana izay fantatro. Noho izany:

Ny finoako miandrandra Anao,

Ianao ry Zanak’ondrin’i Kalvary,

Mpamonjy Masina;

Ankehitriny henoy aho raha mivavaka,

Esory ny heloko rehetra,

Avelao aho manomboka amin’ity andro ity

Ho Anao manontolo!

Ndao hanangana ny tànantsika raha mihira an’izany isika.

Ny finoako miandrandra Anao,

Ianao ry Zanak’ondrin’i Kalvary,

O Mpamonjy Masina;

Ankehitriny henoy aho raha mivavaka,

Esory ny otako rehetra,

O Avelao aho manomboka amin’ity andro ity Ho

Anao manontolo!

Ndao isika hanondrika ny lohantsika ankehitriny raha misamonomonona an’izany isika.

Raha mamindra ao amin’ny lèlè-maizin’ny
fiainako aho,

Ka miangona manodidina ahy ny fahoriana,

Aoka Ianao no ho Mpitari-dàlako;

Didio ny aizina hivadika ho andro,

Fafao ireo ranomason’alahelo,

Aza mamela ahy mihitsy ho very

Lavitra Anao.

Raha mbola manondrika ny lohanareo ianareo, ny pasitera malalantsika, Rahalahy Orman Neville, no hampirava ny mpanatrika.



NY TOERAM-PIVAVAHANA NOFIDIAN'ANDRIAMANITRA MAG65-0220
(God's Chosen Place Of Worship)

Ity Hafatr'i Rahalahy William Marrion Branham ity, izay notoriana tamin'ny Teny Anglisy hatrany am-piandohany ny Sabotsy hariva, 20 Febroary 1965, tao amin'ny Parkview Junior High School ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2016 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org